

# NY FINOANA



. . . ilay hira indray hoe, *Minoa Fotsiny*. “Ny zavatra rehetra azo atao, minoa fotsiny.”

<sup>2</sup> Ary izahay eto dia tsy manana an’ily—ily efitra ipetrahana ampy handraisana ny fiangonana kelinay. Ary izy dia mametraka eo amin’ny olona roan-jato eo fotsiny, heveriko, na mihoatra kely. Ary miala tsiny izahay fa tsy maintsy mitsangana ny olona. Fa, handeha haingana aho, avy hatrany, ary—ary ireo fanamarihana vitsy izay tsy maintsy ataoko. Ary hivavaka aho mba hanomezan’Andriamanitra anareo rehetra an’izay ahatongavanareo eto mba ho hita, izao hariva izao, sy hanao ny fonareo ho feno ny Fahatsarany sy ny Famindrampony. Satria fantatro marina tokoa fa ho izany no Sitrapony Masina, mba ho tahaka an’izany ilay izy.

<sup>3</sup> Ny voalohany tiako holazaina, ho halahelovina ela eto, ny fahalasanan’ny Anabavintsika Casey. Na dia antitra aza, heveriko, tao amin’ireo faha-valopolo taonany, ary isan’andro isan’andro nanerana ny oram-panala sy orana, raha nanao ny lalany nankany amin’ny fiangonan’ily Andriamanitra velona izy. Indray hariva dia tombontsoa lehibe ny nitsangana teo anilan’ny fandriany raha teo am-pahalasanana izy. Dia hoy aho hoe, “Mahafantatra ahy ve ianao?” Ary izy. . . Tsy fantatro na nahafantatra izy na tsia. Fa rehefa hoy aho hoe, “Fantatrao ve Jesosy?” Nanetsiketsika ny lohany izy, eny, hoe nahafantatra Azy izy. Noho izany dia faly aho niantso an’ireo zanany, ireo zafikeliny, ary, mino aho, na dia ireo zafin’ny zafikely aza, teo amin’ny ilan’ny fandriana, ary nanao hoe, “Tahaka an’izany no andehanana.”

<sup>4</sup> Na izany aza, dia tsy maintsy mandeha isika. “Notendrena ho faty indray mandeha ny olona, ary aorian’izany dia ny fitsarana.” Ary avy eo ny Anabavintsika Hall. . .

<sup>5</sup> Rahalahy William Hall, pasiteran’ny fiangonana Batista any Milltown, izay niova fo iray ho an’ny Tompo, tao amin’ny iray tamin’ireo fivoriana vao tsy ela, taona vitsy lasa izay, ary sitrana tamin’ny homamiadana mahery iray. Rehefa nilaza ireo dokotera, ny tsara indrindra izay azo nalaina tao amin’ny ampahany tao amin’ily firenena, ary avy eo dia hoy ilay dokotera tany New Albany hoe, “Eo am-pahafatesana izy.” Ary tonga teto izy. Ary ny vadiny dia. . . niantso ahy, ka hoy izy hoe, “Ranadahy Billy, ho avy hivavaka ho an’i Will ve ianao? Eo am-pahafatesana miaraka amin’ny homamiadana izy.” Dia nandeha nijery azy izahay. Ary ilay homamiadana dia an’ny aty, ary nanabontsina ny atiny izany, ka nivadika mavo izy ary saiky tsy nahatsiaro tena. Ary nanontany azy aho raha tsy mampaninona

azy raha hiantso ny dokotera sakaizako eto amin'ny tanàna aho, hiresaka aminy. Dokotera Sam Adair izany. Maro aminareo no mahafantatra azy.

<sup>6</sup> Dia hoy i Dokotera Sam hoe, “Billy, zavatra tokana ihany no hatao, izany dia ny mandefa azy any Louisville, mankany amin'ny manam-pahaizana manokana malaza iray momba ny homamiadana.” Ary nandefa azy tany izy ireo ho an'ny fizahana iray. Ary, mazava ho azy, tsy niteny taminy ilay dokotera tany, noho izany dia niantso an'i Dokotera Adair izy. Dia niantso ahy Dokotera Adair, ka hoy izy hoe, “Billy, ho faty ny mpitory teny sakaizanao afaka efatra andro.” Hoy izy, “Mbola manana efatra andro hahavelomana izy,” hoy izy, “satria nandany ny atiny ilay homamiadana.”

Hoy aho hoe, “Dokotera, tsy misy na inona na inona ve azonao atao ho azy?”

<sup>7</sup> Hoy izy hoe, “Billy, tsy afaka hanaisotra ny atiny izahay, ka ho velona izy.” Dia hoy izy hoe, “Raha mpitoriteny iray izy, dia tokony hiomana handeha.”

Hoy aho hoe, “Izany, mino aho fa izany izy.”

<sup>8</sup> Noho izany dia zavatra sarotra ho ahy ny handeha hiteny amin'ny vadiny sarobidy fa ho faty i Rahalahy Will Hall afaka efatra andro. Ny fianakaviana Wright eto, mipetraka eto, izay vavolombelon'izany, ary mbola maro. Ary teo . . . Nandeha aho ka niteny tamin-Rtoa. Hall hoe, “Ho faty afaka efatra andro i Will. Milaza ny dokotera fa lanin'ny homamiadana ny atiny.” Noho izany dia tonga tany an-trano aho.

<sup>9</sup> Ary ny ampitso maraina . . . Betsaka ny olona tonga tany an-trano, fantatrareo, ary tsy maintsy mivoaka vetivety fotsiny aho. Vao avy tany amin'ny dia iray tahaka an'izany aho, tany Kentucky izay nihazako vontsira iray. Ary nandeha nihaza vontsira aho tamin'io maraina io. Nifoha aloha be, ary nijery, ka tsy nisy olona teo amin'ny lâlana fidirana ao an-trano. Noho izany aho—nandeha aho ary naka an'ilay satroko tranainy sy basy .22, dia nanomboka nivoaka.

<sup>10</sup> Ary nahita paoma iray aho nihantona teo, izay pa—paoma iray mahatsiravina indrindra izay hany hitako. Nieritreritra aho hoe, “Ho an'ny inona no nametrahan'i Meda an'io karazana paoma io teo amin'ny rindrina?” Miketroketrona sady lanin'ny olitra. Ary voamariko fa tsy nihantona teo amin'ilay rindrina ilay izy. Teny amin'ny habakabaka ilay izy. Dia nandohalika niaraka tamin'ny satroko tranainy sy ny basiko teny antànako aho. Ary nahita paoma iray hafa aho, sy paoma iray hafa, mandra-pitsangan'ny paoma dimy teo. Avy eo dia paoma goavana be iray niaraka tamin'ny tsipitsipika mena teo aminy, nidina ary nanao fitsakoana dimy goavana, ary nanapaka an'ireo paoma ho potipotika fotsiny ka nitelina azy ireo. Dia nieritreritra aho hoe, “Inona ity?”

11 Ary avy eo ilay Anjelin'ny Tompo, Izay hitanareo eo ny sariny, dia nitsangana tao amin'ny efitra ka nanao hoe, "Mandehana teneno Rahalahy Hall hoe, HOY NY TOMPO HOE. Tsy ho faty izy. Efa narary dimy volana izy ankehitriny, fa afaka dimy andro dia ho salama izy."

12 Haingana mihitsy, dia niantso an'i Dokotera Adair aho, ka hoy aho hoe, "Ho velona izy."

13 Hoy izy hoe, "Billy, ahoana no ahafahany ho velona nefa ny atiny lany tanteraka ao aminy?"

14 Hoy aho hoe, "Tsy fantatro. Fa ny Tompo fotsiny no nilaza fa ho velona izy, ary izay ihany no fantatro." Ary velona izy androany.

15 Ary ny vadiny, ataoko fa saiky dimy amby fitopolo na valopolo taona, dia lasa mba hiaraka amin'ny Tompo, andro vitsy lasa izay, raha mbola tany Kentucky aho. Andriamanitra anie hampitsahatra ny fanahiny, sy Ranabavy Casey, ihany koa. Izy roa ireo dia efa tao amin'ity fiangonana ity ary niombona tamintsika.

16 Ny olona rehetra, tsy mampaninona na tanora toy ny ahoana na antitra toy ny ahoana, na salama toy ny ahoana, dia misy andro anankiray izay hihaonantsika amin'Andriamanitra. Afaka miomana ho an'izany isika.

17 Ankehitriny, izao hariva izao, izaho . . . fanamarihana vitsy fotsiny avy amin'ny Tenin'Andriamanitra Mandrakizay sy voatahy. Ary tiako ny hamaky ampahany iray fotsiny an'Izany eto, hita ao amin'ny Bokin'i Masindahy Marka, ao amin'ny toko faha-11-n'ny Masindahy Marka. Te-hiresaka ny amin'ny *Finoana* aho, mandritry ny fotoana vitsy fotsiny, satria maro aminareo no mitsangana, hivoonkin'ozatra ireo ranjonareo. Tiako ny hanomboka amin'ny andininy faha-20. Tiako ny hamaky azy avy ao amin'ny leksika Grika tany am-boalohany.

*Ary tamin'ny maraina, raha nandalo izy ireo, dia hitany fa efa maina hatrany amin'ny fakany ilay hazo aviavy.*

*Ary nahatsiaro i Petera ka nanao taminy hoe, Mpampianatra, indro, ilay hazo aviavy izay efa nozoninao dia nalazo.*

*. . . Jesosy namaly nanao tamin'izy ireo hoe, Manàna finoana an'Andriamanitra.*

*Fa lazaiko aminareo marina tokoa, Fa na iza na iza hilaza amin'ity tendrombohitra ity hoe, Aoka . . . mifindrà, ka . . . mianjerà any an-dranomasina; ka tsy hisalasalala ao am-pony, fa . . . hino fa ireo zavatra izay lazainy dia hiseho; dia ho azony izay rehetra lazainy.*

18 Teny fikasana voatahy iray toy ny inona! "Finoana an'Andriamanitra!" Zavatra iray mahatalanjona izany ho

an'ny olona maro. Ary, kanefa, tokony ho menatra ny tenantsika isika, miaiky fa tsy manana finoana an'Andriamanitra isika.

<sup>19</sup> Voalohany, dia misy kanosa izay maty amin'ny fahafatesana an'aliny, raha mbola eto an-tany eto izy ireo, fa ny mahery fo iray dia tsy maty mihitsy. Maharitra ireo fahatsiarovany noho ireo asany mahery fo lehibe.

<sup>20</sup> Ary, mazàna, ireo olona izay manana finoana dia olona izay manana fahatsapana. Ny fahatsapana no mitondra finoana. Heveriko fa izany no antony ampianaran'ny Baiboly antsika. . .

<sup>21</sup> Jesosy no nilaza, ao amin'ny Masindahy Jaona ny toko faha-3 hoe, “Raha tsy ateraka indray ny olona, dia tsy afaka hahazo ny fanjakan'Andriamanitra izy.” Ankehitriny, izany no fanononana avy amin'ilay tany am-boalohany. Ao amin'ny—ny King James, Iza no voalaza hoe, “Tsy afaka *mahita* izy.” Fa ilay teny dia tsy midika hoe “mahita,” tahaka ny ijerenareo amin'ny masonareo. Izany dia midika hoe mahazo. Tsy afaka mahita an'ilay fanjakana ianareo, na ahoana na ahoana. Tsy maintsy mahazo azy ianareo. Ary hoy Jesosy hoe, “Raha tsy ateraka indray ny olona, aloha, izy dia. . .tsy afaka hahazo ny fanjakan'Andriamanitra.” Noho izany ilay izy dia ny. . .

<sup>22</sup> Mety amintsika ny manana fahatsapana iray alohan'ny hany ahafahan'ny finoana hanatanteraka betsaka mihitsy. Noho izany, ny olona dia tokony ho voavonjy alohan'ny. . . voalohany, manatona an'Andriamanitra izy ireo ary manana fahatsapana iray an'ny famonjena, alohan'ny hanatonan'izy ireo an'Andriamanitra ho an'ny fahasitranany. Izany dia tsy maintsy. . . Izany dia—hanao fahagagana izany, raha mety mino an'izany fotsiny ianareo.

<sup>23</sup> Mariho ankehitriny, matetika, ao amin'ny Soratra. Maka an'ilay sehatra tranainy malaza an'ny Isiraely isika, rehefa tao anatin'ny olana izy ireo. Ary nisy ady iray niseho teo amin'ny Isiraely sy ireo Filistina, ary Isiraely nanangona ny tenany teny amin'ny sisin'ny havoana iray. Ary tafapetraka tao amin'ny lamina ilay ady, saingy tsy nisy olona afaka nandeha tany amin'ny ady, satria, teny amin'ny ilany hafa an'ilay havoana, dia nanana mpihaika lehibe iray ilay fahavalo.

<sup>24</sup> Ary tahaka ny tamin'izany, dia toy izany koa ankehitriny, hoe, rehefa manomboka mandeha manao zavatra iray ny vahoakan'Andriamanitra, dia manana fihaihana iray foana ilay fahavalo; mihaika anareo ny amin'izany.

<sup>25</sup> Ary io olombe lehibe, saiky fahagola io, dia nitsangana teo niaraka tamin'ny rantsan-tànana efatra ambin'ny folo inch teo aminy. Ary lefona iray no teny an-tànany, fanjaitran'ny mpanenona iray ny habeny. Nihaika ny lehilahin'ny Isiraely rehetra izy ho tonga ka hiady aminy.

<sup>26</sup> Tahaka an'izany no ataon'ilay fahavalo, rehefa mihevitra izy fa izy no manana tombony. Tsy hanao an'izany mihitsy izy rehefa

mahita ny finoana mandresy. Fa hanao an'izany fotsiny ihany izy rehefa fantany fa voafehiny ianareo. Izany dia rehefa tsy afaka mihetsika ilay Fiangonana, dia amin'izany izy no manana an'ilay fanjaitran'ny mpanenona eo amboninareo.

<sup>27</sup> Fa, raha mbola, tao amin'ny tafik'ireo Isiraelita, Saoly, ilay mpiady mahery... Raha nisy lehilahy iray tao amin'ilay tafika manontolo izay afaka kokoa handeha sy hiady tamin'io olombe io, dia i Saoly. Voalohany, mpiady tsara hofana iray izy. Fantany ireo tetika rehetra, ahoana no hialana amin'ireo lefona, ary ahoana no hanakanana azy ireo amin'ny ampingany. Ary ambonin'izany, dia nanana loha sy soroka nihoatra ny lehilahy rehetra tao amin'ny tafiny izy. Vonona kokoa ara-batana ho amin'ny fifaninanana iray izy, ary mpanofana lehilahy izy.

<sup>28</sup> Fa tahaka ny tamin'i Saoly, tamin'izany andro izany, dia mahita an'ilay zavatra iray ihany misy isika amin'izao andro izao, eo anivon'ny olona izay mandeha any am-piangonana. Ny sasany amin'ireo izay mahay tsara hofana indrindra, dia manana ny finoana kely indrindra an'Andriamanitra, indraindray. Manana an'ireo Ph.D sy D.D., ary miezaka manazava an'izany... Na, miezaka ny hiala lavitra amin'ilay tena zava-misy hifanatrika amin'ny Tenin'Andriamanitra mihitsy, miezaka manazava an'izany izy ireo, amin'ny fomba hafa iray. Ary marina izany. Ny fianarantsika rehetra, ny fiofanantsika rehetra, dia tsy mametraka antsika mihitsy ao amin'ny toerana hihaonana amin'ilay fahavalo. Mila finoana an'Andriamanitra ilay izy, hanaovana an'izany, ary izany irery ihany. Fa raha mahamarika isika, raha mbola nanao ny fireharehany lehibe ity olombe ity. Ary ity teolojiana malaza ity, araka ny naha-izy azy, dia nitsangana teo, tsara hofana mba hahafantatra hoe ahoana no hiadiana, saingy tsy nanana fahatsapana iray niaraka tamin'Andriamanitra mihitsy izy.

<sup>29</sup> Ary tena mampalahelo, amin'izao andro izao, ny mahita lehilahy sy vehivavy, izay niaina tao am-piangonana, nampidirina tao anatin'io lisitra io hatramin'ny nahaterahana, ary mahafantatra tsara ny Baiboly, kanefa tsy mbola nahafantatra fahatsapana iray niaraka tamin'Andriamanitra mihitsy. Ny ilaintsika dia ny miverina amin'ny tena fahatsapana iray avy amin'ny fo, mba hahafantatra hoe iza no inoanareo. Tsy soratra vitsivitsy, fa ilay Andriamanitra marina sy velona Izy velona ankehitriny.

<sup>30</sup> Ary teo afovoan'izany, tany lavitra tany, tao ambadik'ireo saha, dia nanana zazalahy kely mena hoditra iray Andriamanitra, amin'ny anarana hoe Davida. Izy no niandry ny rainy—ny ondrin'ny rainy. Ary raha mbola niandry ny ondriny izy, dia nanana fahatsapana iray. Ary ny rainy no nandefa azy nankany amin'ireo tafika, mba hitondra mofomamy nisy aviavy sy mofomamy nisy voaloboka ho an'ireo rahalahiny. Ary raha

mbola tany izy, dia nahita an'io olombe lehibe io nivoaka ka nanao an'io fireharehana goavana, midadasika io.

<sup>31</sup> Ankehitriny, tsy nahatohitra mihitsy i Davida kely. Voalohany, zazalahy tanora iray fotsiny izy. Ary ny zavatra manaraka, dia zazalahy *mena hoditra* iray izy, izay midika fa izy dia “kely vatana iray,” araka ny hiantsoantsika azy. Ary tsy nahatohitra mihitsy izy. Tsy mbola nanana sabatra iray mihitsy izy teny an-tanany, angamba tsy nandray ampinga iray mihitsy, teo amin'ny fiainany. Tsy nahafantatra na inona na inona mikasika ny fiofanana ara-miaramila izy.

<sup>32</sup> Saingy misy zavatra anankiray izay tena fantany. Fantany ny Andriamaniny. Izany ilay zava-dehibe. Fantany hoe Iza no ninoany. Ary noho izany rehefa nanao ny fahaikany ilay olombe, dia nahafantatra zavatra hafa iray i Davida: izay tsara sy ratsy.

<sup>33</sup> Indraindray, isika izay mandeha any am-piangonana, dia toa tsy manana fahaizana ara-panahy hahafantatra ny fahasamihafana. Raha manana isika, dia tsy mihetsika hafa.

<sup>34</sup> Fa fantany izay tsara sy izay ratsy. Fantany fa ratsy ho an'io Filistina io ny hihaika ny tafik'Andriamanitra velona. Noho izany dia nilaza an'ireto teny ireto izy hoe, “Ny tianareo ho tenenina amiko ve, dia hoe hamela an'io Filistina tsy mifora io hitsangana eo ianareo ka hihaika ny tafik'Andriamanitra velona?” Fananarana iray toy ny inona ho an'ny tafika iray niofana!

<sup>35</sup> Fananarana iray toy ny inona izany, amin'izao andro izao, ny amin'ny vehivavy mpanasa lamba kely iray, angamba, izay tsy mahafantatra ny ABD-ny, saingy afaka mitsangana eo anatrehan'ny mpitondra fivavahana tsara hofana iray izay milaza fa efa lasa ireo andron'ny fahagagana, ka hihaika ny teniny, amin'ny filazana hoe, “Kilemaina aho fahiny, na narary, fa sitrana aho ankehitriny.” Mety tsy mahafantatra ny anatin'ny ivelan'ny teolojia rehetra izy, saingy mahafantatra an'Andriamanitra. Sady izay koa, izany no takiana.

<sup>36</sup> Ary teo ity Davida kely mena hoditra ity, tanora iray fotsiny niaraka tamin'ny palitao volon'ondry keliny nirakotra nanodidina azy, nandeha teo anatrehan'ireo lehilahy ireo ary nanao azy ireo ho menatra ny tenany. Dia hoy izy, “Mitsangana eo ianareo, ilay tafik'Andriamanitra velona voaofana, nefa mamela an'io Filistina io hihaika ny tafik'Andriamanitra.” Hoy izy, “Izaho no handeha hiady aminy, ny tenako.” Oh, tiako izany fanahy mahery fo ao amin'i Davida izany.

<sup>37</sup> Ary nanandrana hampianatra azy i Saoly, ka nampitafy azy palitaon'ny mpitondra fivavahana iray, saingy tsy antonona azy ilay izy. Hoy izy hoe, “Esory amiko ity zavatra ity, tsy fantatro hoe ahoana no hilazana hoe ‘ah-men’ araka ny fanaonareo. Ary tsy mahafantatra ny teolojianareo koa aho. Avelao aho handeha niaraka amin'izay efa nananako fahatsapana.”

38 Oh, nilaza tamiko ny lehilahy iray fotoana vitsy lasa izay. Hoy izy hoe, “Rahalahy Branham, foana ny toriteninao, satria tsy misy izany karazana fanasitranana avy amin’Andriamanitra izany.”

39 Hoy aho hoe, “Ity no zavatra anankiray, rahalahy. Tsy mbola teo amin’izay nandehananay fotsiny ianao. Izay ihany. Satria tara loatra fotsiny ianao miteny aminay ankehitriny. Efa nahita an’izany ary vavolombelon’izany izahay, manerana an’izao tontolo izao, ilay fifohazana lehibe an’ny firotsahan’ny Fanahy Masina, mba hamokatra famantarana sy fahagagana, mba hanatanteraka ny Tenin’Andriamanitra amin’izao andro farany izao.”

40 Ary nesorin’ity zazalahy kely ity avy teo aminy ireo diplaoma tranainy ireo, nandeha teo izy, ka hoy izy hoe, “Jereo eto, ity no antony handehanako. Fantatro Izay ninoako.”

41 Tsy nahafantatra na inona na inona mikasika an’izany i Saoly, na dia nandeha tany am-piangonana isaky ny sabata aza izy. Ary mety nanao an’ireo zavatra ara-pivavahana rehetra izay nataon’ny sisa tamin’izy ireo izy, saingy tsy nanana fahatsapana iray mihitsy.

42 Ary inona no nitranga? Hoy i Davida hoe, “Rehefa niandry ny ondrin’ny raiko aho, tany rehefa nandeha nitety an’ireo ahi-maitso aho, ary teo akaikin’ireo rano tony, nianatra ny amin’Andriamanitra iray izay nanao ny lanitra sy ny tany aho. Ary tompon’andraikitra ho an’ny ondry vitsin’ny papako aho. Dia nihazakazaka niditra ny bera iray ka nandramby anankiray, ary novonoiko izy. Dia nihazakazaka niditra ny liona iray ka nandramby kely iray, ary nandositra, ka nalavoko tamin’ny antsamotadiko izy. Ary rehefa nitsangana izy, dia norambasako tamin’ny volombava izy ka novonoiko.” Hoy izy hoe, “Ilay Andriamanitra izay nanafaka an’ilay bera sy ny liona, dia tsy mihoatra noho izany ve no Hanolorany an’io Filistina tsy mifora io eto an-tànako.” Izany tokoa, fantany izay noresahany. Nanana finoana an’Andriamanitra izy. Nanana fahatsapana iray izy, mba hahitana an’izay hataon’Andriamanitra, noho izany dia fantany fa io fahatsapana io no hitondra azy hankany amin’ny fandresena.

43 Oh, taona maro taty aoriana, rehefa lasa mpanjakan’ny Isiraely izy. Tsy isalasalana fa lasa mpanjaka izy, satria mpiady iray tahaka an’izany. Rehefa lasa mpanjaka izy, dia nanana hevitra iray hoe, “Avelao aho hanorina ny tranon’ny Tompo.” Ary rehefa i Natana mpaminany, tamin’io alina io, no nitondra azy nivoaka ka niresaka taminy.

44 Niseho tamin’i Natana ny Tompo. Hoy Izy hoe, “Mandehana teneno ny Mpanompoko, Davida, Fantatro fa zavatra mena hoditra kely iray fotsiny izy. Fantatro fa nanao palitao hoditr’ondry iray izy. Fa nanala azy tao amin’io valan’ondry

io Aho, ka nanao azy mpanapaka iray eo amin'ny Oloko, ary nanome azy anarana iray tahaka an'ireo lehilahy malaza eto amin'ity tany ity.” Toy ny ahoana no nahitan'Andriamanitra an'io fahatsoram-pon'ny finoana io mba hino Azy, teo amin'ny fahatsapana iray hoe Izy no Andriamanitra velona.

<sup>45</sup> Kely toy ny ahoana izany ho an'i Abrahama, rehefa avy niaritra izy raha nijery Azy Izay tsy hita maso. Ahoana, rehefa avy nihaona tamin'Andriamanitra izy, ary nanana fahatsapana iray an'ny firesahana nifanatrika tamin'Andriamanitra, ka afaka niantso an'ireo zavatra izay tsy nisy izy, ho toy ny nisy. Satria, nanana fahatsapana iray izy. Niresaka tamin'Andriamanitra izy, nifanatrika. Izany no ilaintsika, dia fahatsapana manokana iray miaraka amin'ilay Andriamanitra velona.

<sup>46</sup> Ahoana fa i Mosesy, rehefa avy nanana fiofanana arapivavahana efapolo taona teo anilan'ny reniny, ahoana fa nanana hery ara-miaramila efapolo taona teny antanany, ahoana no hikoravasiona firenena iray, ahoana no handresena, ary nila efapolo taona Andriamanitra nanesorana an'izany taminy. Fa vantany vao tany an-efitra irery, indray andro, dia tonga nifanatrika tamin'Andriamanitra izy, tao anatin'ny roimemy nirehitra iray. Ary nampitaovina tsaratsara kokoa izy, tao anatin'ny dimy minitra, rehefa avy niresaka tamin'Andriamanitra izy, noho ireo valopolo taonan'ny fianarana tsy nanao na inona na inona taminy. Kanosa iray izy, teo am-pahafatesana tamin'ny fahafatesana an'arivony. Fa rehefa avy nihaona tamin'Andriamanitra izy, dia naniry ny hanana fiainana arivo hahafatesana, ho an'i Kristy. Vonona ny handeha izy. Tsy nisy na inona na inona afaka nanakana azy, na dia tsy nanana tafika aza izy, na dia tsy nahasoa azy aza ny fianarany. Tsy afaka niady izy; tsy nanana sabatra izy. Tsy nanana mpiady izy, tsy nanana kalesy hanohana azy, araka ny fantatr'izao tontolo izao. Fa tonga nifanatrika tamin'Andriamanitra izy, niaraka tamin'ny fahatsapana iray, izay nanana an'ireo Anjely nampitaovina avy tamin'ny Mandrakizay rehetra mba hitsangana taoriany. Ary raha nandeha tamin'ny lalany i Mosesy, niaraka tamin'ny vadiny, nisabaka teo ambonin'ny ramole antitra kely iray, ary volombava lava nihantona, mino aho fa Anjely an'alinalina no nandeha, teo amin'ireo lalana feno vovoka ireo niaraka taminy. Nanana fahatsapana iray izy.

<sup>47</sup> Tany Dotana ilay izy, indray mandeha, rehefa ny lehilahy tanora iray, mpa—mpanompon'ny mpaminany iray, ary nandeha niaraka taminy tany Dotana izy. Ary raha mbola natory ilay mpaminany, dia tonga ilay tafika Syriana lehibe ka nanodidina, nanafika an'ireo manda lehibe an'i Dotana. Ary rehefa nifoha izy, ny ampitso maraina . . . Tsy nanana fahatsapana iray mihitsy izy. Nilaza izy tamin'ny . . . rehefa hitany ilay tafika lehibe,

nitady an'i Elisa, hoy izy hoe, "Oh, ry ikakiko, niangona ireo tafika manontolo ary nanodidina eto. Mitady anao izy ireo."

48 Tsy nampihozongozona an'io mpaminany antitra io izany, na kely aza. Mety efa homamiadana ilay izy, mety efa raboka ilay izy, mety ho efa famelezana iray ilay izy, saingy tsy nampihozongozona an'io mpaminany io izany. Nijery azy izy, ka hoy izy hoe, "Anaka, ny momba antsika dia be lavitra noho ny momba azy ireo."

Hoy izy hoe, "Afaka mahita ahy sy ianao fotsiny ihany aho."

49 Hoy izy hoe, "Sokafy ny masonry, Andriamanitra, mba hahafahany mahita. Omeo fahatsapana iray izy." Ary rehefa nisokatra ny masonry, dia nijery izy, ary feno kalesy ireo tendrombohitra manontolo, sy afo, ary soavaly afo, nanodidina an'io mpaminany masina antitra io. Nanana fahatsapana iray izy. Tsy nisy fisalasalana intsony tao an-tsainy tamin'izany.

50 Samsona niaraka tamin'ilay valanoranon-dramole iray, izay namono Filistina arivo, satria nanana fahatsapana iray izy, hoe nateraka indray izy. Nanana fahatsapana iray izy, hoe izy dia Nazirita iray, ary ilay Andriamanitry ny Lanitra no niaraka taminy.

51 Nisy an'i Filipino izay nahita an'i Jesosy, tao amin'ireo fahatsapana tany aloha, izay nandeha ka nitady an'i Natanaela nanodidina ny tendrombohitra. Dia hoy izy hoe, "Avia, hijery hoe Iza no hitanay, Jesosy avy any Nazareta, ilay zanak'i Josefa."

52 Ary ilay lehilahy, satria tena Ortodoksa, dia hoy izy hoe, "Ankehitriny, mety hisy zavatra tsara ve avy ao Nazareta?"

53 Hoy izy hoe, "Avia ka jereo." Nahoana? Efa niaraka tamin'i Jesosy izy. Fantany fa nisy zavatra mikasika an'ilay Lehilahy, izay mihoatra noho ny zavatra rehetra izay azon'ny devoly atsangana. Oh, henoy tsara.

54 Ary raha nandeha nanodidina ny tendrombohitra izy ireo, dia nanomboka niresaka i Filipino, ary niresaka taminy i Natanaela. Dia hoy izy taminy hoe, "Ankehitriny, rehefa tonga any ianao... Efa nahita Azy aho. Rehefa tonga i Petera, ary Izy aza tsy nahita (mihitsy) an'i Petera, teo amin'ny Fiaianany rehetra. Fa rehefa tonga teo izy, dia hoy Izy hoe, 'Ny anaranao dia Simona, ary ianao dia zanak'i Jonasy.' Fantany ny anarany, ary fantany hoe iza no dadany." Oh, tsy afaka nino an'izany izy. Fa efa niaraka Taminy i Filipino indray mandeha, noho izany dia fantany ny handresy lahatra azy, ahoana no hampety an'izany, ahoana no Nanaovany an'izany.

55 Noho izany rehefa nandeha teo amin'ny Fanatrehan'i Jesosy avy any Nazareta izy, dia tonga mba hino arak'izany. Noho izany rehefa nijery azy Izy, dia nilaza taminy Izy; hoy Izy hoe, "Indro ny Isiraelita izay tsy misy fitaka ao aminy."

Dia hoy izy Taminy hoe, “Oviana no Nahafantaranao ahy, Raby?”

<sup>56</sup> Dia hoy Izy hoe, “Talohan’ny niantsoan’i Filipino anao, rehefa teo ambanin’ily hazo ianao, dia efa nahita anao Aho.”

Ankehitriny, nahatalanjona azy izany. “Ahoana no Nahafahany nanao an’izany?”

<sup>57</sup> Fa, fantatr’i Filipino izany, mba handresy lahatra an’i Natanaela, hoe azo natao izany, satria efa nanana fahatsapana iray izy ny amin’ny fiarahana tamin’i Jesosy.

<sup>58</sup> Fantatrareo, misy zavatra mikasika ny fiarahana amin’i Jesosy, manome anareo fahatsapana iray. Tonga eo amin’izay misy Azy, mandinika ny Asany, ary avy eo dia izany no manome anareo ny finoana. Rehefa manana fahatsapana iray ianareo, dia izany no manome finoana. Ny finoana dia mandeha amin’ny alàlan’ny fahatsapanareo.

<sup>59</sup> Mariho ity ankehitriny, ankehitriny, rehefa nanatona izy, eny, afaka mahita azy ireo isika rehefa manomboka mifampiresaka izy ireo raha nanatona izy ireo. Ary nanomboka niteny taminy an’izay niseho Izy, sy hoe iza izy ary avy taiza izy, sy ny rehetra mikasika an’izany. Ary avy eo vantany vao nahazo an’ily fahatsapana izy... Oh, isaorana anie ny Anaran’ny Tompo! Rehefa nahazo an’ily fahatsapana izy, hoe fahagagan’Andriamanitra iray no natao teo aminy, tamin’izay fotoana izay dia afaka niankohoka teo an-Tongony izy, ka nanao hoe, “Raby, Ianao no Zanak’Andriamanitra velona. Ianao no Mpanjakan’ny Isiraely.” Fa tsy maintsy nahita an’izany vita aloha izy. Afaka nanana finoana an’Andriamanitra izy, rehefa avy naneho ny Tenany Andriamanitra. Tahaka an’izany no ataon’Andriamanitra.

<sup>60</sup> Ilay vehivavy izay novakian-dRahalaha Neville, izao hariva izao, ao amin’ny Baiboly, nipetraka teo amin’ny fantsakana izy, na naka ny ranony avy tao amin’ny fantsakana. Samaritana iray izy. Efa nampianarina izy fa ho avy ny Mesia iray izay hanao famantarana sy fahagagana lehibe. Nahafantatra kely mikasika an’izany izy. Ary rehefa natsobok’izy ireo tao anaty fantsakana ilay siny, mba haka rano, dia hoy Jesosy hoe, “Itondray Aho hosotroina.”

<sup>61</sup> Dia hoy izy hoe, “Nahoana, tsy manana na inona na inona hisintonana Ianao. Ary nahoana Ianao no hangataka amiko hosotroina? Jereo fa Ianao dia... Samaritana iray, aloha, tsy manana fifampirarahana isika.”

<sup>62</sup> Sy ny sisa, nitohy ilay fifampiresahana. Afaka kelikely, dia ity no niseho, Hitany hoe taiza ny olany. Tsarovy, tonga teo aloha izy mba hitsikera Azy, amin’ny maha-Jiosy iray. Fa hoy Izy hoe, “Mandehana, alaivo ny vadinao dia tongava eto.”

Hoy izy hoe, “Tsy manana vady aho.”

63 Hoy Izy, “Marina izany. Efa nanana dimy ianao, ary ilay anankiray izay anananao ankehitriny dia tsy vadinao.”

64 Ary haingana mihitsy, vantany vao nitranga izany, dia nisavoritaka izy tao an-tsainy. Tsarovy, nandeha tany amin’ny fiangonana iray mangatsiaka, ara-pomba izy. Tsy fantany izay hatao. Hoy izy hoe, “Eny, ankehitriny, Tompoko, hitako fa Mpaminany iray Ianao. Fa, fantatray fa rehefa tonga ny Mesia, dia Izy no hiteny aminay an’ireo zavatra ireo.”

65 Hoy Izy hoe, “Izaho izay miresaka aminao no Izy.” Oh, fahatsapana iray toy ny inona! “Izaho izay miresaka aminao no Izy.”

66 Ary inona no nolazainy? Nihazakazaka nankany antanàna izy, niaraka tamin’ny fahatsapana iray izay nijoroany vavolombelona, hoe Jesosy no Zanak’ilay Andriamanitra velona. Nahoana? Efa nahita hery iray niasa tao Aminy izy, izay nanao fahagagana iray, izay niteny taminy hoe iza izy, sy hoe taiza ny fahotany, ary taiza ny olany. Noho izany, dia afaka nihazakazaka izy ka nanao hoe, “Marina tokoa, fa io no Zanak’Andriamanitra. Avia, hijery an’ilay Lehilahy izay niteny tamiko an’ireo zavatra izay nataoko. Tsy izao ve no tena Mesia?”

67 Mariho indray ankehitriny. Tao anatin’ny fotoana fohy... Nanana vehivavy iray izay tratry ny fitsiha-drà izy ireo. Niantsoantso izy, ary nanandrana ny zavatra rehetra hatao, mba ho salama; tsy afaka nanao an’izany izy. Nitety an’ilay vahoaka betsaka izy ary nikasika ny sisin’ny Fitafiany, satria nino izy. Ankehitriny inona? “Ny finoana dia avy amin’ny fandrenesana, ny fandrenesana ny Tenin’Andriamanitra.” Nandroso hatrany izy, satria ny finoana dia avy amin’ny fandrenesana. Nikasika ny Fitafiany izy. Dia hoy izy hoe, “Mahafa-po ahy izany. Nikasika Azy aho.” Ary miverina ao amin’ilay vahoaka betsaka izy, mino ao am-pony fa hisy zavatra hiseho. Oh, raha afaka mahazo an’izany fotsiny mantsy ny olona amin’izao andro izao, mino!

68 Ary rehefa niseho izany, dia nitodika Jesosy ka nanao hoe, “Iza no nikasika Ahy?”

69 Dia hoy i Petera hoe, “Izy rehetra ireo dia mikasika Anao. Nahoana ianao no manao hoe, ‘Iza no nikasika Ahy?’”

70 Hoy Izy hoe, “Saingy lasa malemy Aho. Tena malemy Aho! Ny hery, ny tanjaka dia niala Tamiko. Malemy Aho.”

Dia hoy izy hoe, “Eny, ahoana no Nahafantaranao an’izany?”

71 Dia nijery manodidina Izy, teo amin’ilay vahoaka betsaka. Nihevitra izy fa niafina. Teny aoriana izy, niafina tao anatin’ilay vahoaka betsaka. Ary rehefa nitodika Jesosy ka nijery azy, dia Noteneniny taminy hoe inona ny aretiny, sy hoe sitrana izy. Ary avy eo ilay izy dia, afaka niankohoka teo an-Tongony izy ka niaiky ny zavatra rehetra. Rehefa avy nanana fahatsapana iray ny amin’ny Heriny lehibe mahatalanjona izy, mba hanambara

taminy fa efa nikasika an'ilay fitafiana izy, tsy ny Aminy fotsiny ihany, fa ny Aminy izay velona mandrakizay, Andriamanitra Tsitoha. Izany tokoa, izany ilay izy.

<sup>72</sup> Ankehitriny, ireo olona tamin'ny Andron'ny Pentekosta, izay kanosa, ary tao amin'ny efitra ambony izy ireo. Nikatona daholo ireo varavarana. Natahotra an'ireo Jiosy izy ireo. Fa rehefa tonga Andriamanitra, tamin'ny endriky ny Fanahy Masina, ka nanao batisa ny tsirairay avy tamin'io vondrona io, tamin'ny batisan'ny Fanahy Masina sy ny Afo, tamin'izany izy ireo vao afaka nandeha teny an-dàlambe. Ary io lehilahy izay niozonozona teo amin'ny Fanatrehan'i Jesosy io, andro votsy talohan'io, dia afaka nanao hoe, "Ianareo lehilahy avy any Jodia, sy ianareo izay monina eto Jerosalema, aoka ho fantatrarao izao, ka henoy ny teniko, Tsy mamo araka ny heverinareo ireo, satria ora fahatelon'ny andro izao, fa izao ilay nampilazaina an'i Joela mpaminany." Izany tokoa, rehefa avy nanana fahatsapana iray izy! Talohan'ny nananany an'ilay fahatsapana, dia nanana finoana hino an'izany izy; fa taorian'ny nahatongavan'ilay fahatsapana, dia ny fahatsapana no nitondra an'ireo vokatra. Izany tokoa, nitondra izany.

<sup>73</sup> Ankehitriny, ireo olona izay niresahan'i Jesosy ireo, tany mikasika an'ilay hazo. Mariho ankehitriny, vetivety fotsiny ankehitriny, raha mamarana isika. Satria Izy dia tonga teo amin'ny...nivoaka avy tao an-tempoly indray andro. Nihazakazaka nankeo amin'ny hazo iray Izy, mba hahita raha afaka hahita zavatra ho hanina izy ireo, teo amin'io hazo io. Tsy nisy na inona na inona teo, satria tsy mbola tonga ny fotoan'ireo aviavy. Ary tsy afaka nahita na inona na inona Izy, noho izany dia hoy Izy tamin'ilay hazo hoe, "Tsy hisy olona hihinana avy aminao intsony, manomboka izao. Tsy hisy anankiray hihinana." Ary ny ampitso...

<sup>74</sup> Tsy mbola nahita fahasamihafana mihitsy izy ireo teo amin'ilay hazo, teo no ho eo. Tsy naneho vokatra izy, vokatra ara-batana. Ankehitriny dia eto no tiako hahazoanareo azy. Tsy naneho vokatra izy. Fa inona no Nolazainy? "Tsy hisy olona hihinana avy aminao."

<sup>75</sup> Ary tao anatin'ny efatra amby roapolo ora, teo amin'ny mitataovovonana teo ny ampitso, dia nandalo teo amin'ilay hazo iray ihany izy ireo. Ary tao anatin'ny tao, dia nahamarika izy ireo fa nanomboka nihamaina ilay hazo. Dia hoy Petera hoe, "Indro ny hazo izay efa Nozoninao, efa nihamaina hatrany amin'ny fakany izy."

<sup>76</sup> Ankehitriny, diniho izay nolazain'i Jesosy ankehitriny, raha mamarana isika. "Manàna finoana an'Andriamanitra." Inona? Nasehony tamin'izy ireo ny Heriny, aloha. Nasehony teo amin'ny hazo aviavy iray Izany, izay Azony natao. Satria, rehefa nangataka zavatra tamin'ny Ray Izy, dia nino Izy fa

nandray an'izay Nangatahany Izy. Avy eo dia niteny tamin'izy ireo Izy hoe, “Manàna finoana an'Andriamanitra. Fa Lazaiko aminareo, raha hilaza amin'io tendrombohitra io ianareo hoe, ‘Mifindrà, ary miendaha ka mianjerà any an-dranomasina,’ ka tsy misalasala ao am-ponareo, fa mino fa ireo zavatra izay lazainareo dia hiseho, dia ho azonareo izay lazainareo.” Azonareo ve ilay izy? Eto izany ao amin'ny leksika Grika tany am-boalohany, hitanareo. “Minoa fa izay lazainareo dia hiseho, dia afaka mahazo an'izay lazainareo ianareo. Manàna finoana an'Andriamanitra. Minoa fa izay angatahanareo, dia azonareo izany, mino fa efa niseho izany, dia afaka hahazo an'izay lazainareo ianareo.”

<sup>77</sup> Ankehitriny, mikasika an'ilay “tendrombohitra” mifindra. Angamba nisy voam-pasika kely iray nanomboka nihetsika, saingy, na ahoana na ahoana, teo imason'Andriamanitra, dia efa niseho izany. Raha hino ianareo, izao hariva izao, hoe, tsy mampaninona izay tsy mety aminareo, raha hino ianareo rehefa mangataka amin'Andriamanitra, fa azonareo izay lazainareo, dia afaka mahazo an'izay lazainareo ianareo. Manàna finoana an'Andriamanitra.

<sup>78</sup> Fa, voalohany, dia tsy maintsy manaporifo ny Tenany aminareo Andriamanitra, hoe Izy—Izy dia mbola ilay Tompo Andriamanitra iray ihany foana. Mbola ilay Jehovah mahery iray ihany foana Izy. Ankehitriny, hoy Jesosy hoe, “Ireo zavatra izay Ataoko, no hataonareo koa.”

<sup>79</sup> Ankehitriny, ho anareo eto, izao hariva izao, ato amin'ny tabernakla, raha manomboka hanana an'ilay laharam-bavaka isika, dia firy aminareo no hilaza an'izao: “Raha afaka hahita an'i Jesosy Kristy manao an'ireo fahagagana iray ihany aho, ary manao an'ilay zavatra iray ihany izay Nataony fony Izy teto an-tany, izaho, ato am-poko, dia hanaiky an'Andriamanitra, ary hino fa na inona na inona tsy mety amiko, dia hiseho, vantany vao mangataka amin'Andriamanitra aho”? Hino an'izany ve ianareo? Hanangana ny tãnanareo ve ianareo? Manaova hoe, “Andriamanitra, hino aho amin'ny rehetra...” Tsy mampaninona na inona ilay izy.

<sup>80</sup> Ankehitriny, tsy misy anankiray afaka manasitrana. Ny fanasitrana dia vokatra vita iray an'Andriamanitra. Raha misy olona iray miteny aminareo fa afaka manasitrana anareo izy, raha dokotera iray izy ka afaka miteny aminareo fa afaka manasitrana anareo, dia diso izy. Satria, mpanasitrana anankiray ihany no misy, Andriamanitra izany. Afaka manome fanafody ny dokotera. Afaka mametraka fanafody ao anatin'ny fery iray izy, mba hamono an'ilay tsimoka ao anatin'ny, mba ho salama izy. Inona no mitranga? Tsy manasitrana ilay fanafody. Ilay fanafody dia manakana fotsiny an'ireo tsimoka ratsy, mamono an'ireo tsimoka ratsy izay mamono an'ireo tsimoka tsara, izay mamono anareo. Noho izany, ny siansa

dia miasa eo amin'ireo poizina samihafa izay napetrak'izy ireo ao anatin'ny rafitrareo, mba hanapoizina tsimoka sasany, izay tsy hanapoizina anareo. Izany no ataon'ny siansa. Izany no fanafody, dia zavatra iray izay hamono tsimoka anankiray, nefa tsy hamono anareo izy. Ireo antibiotika ireo dia mamono azy roa, amin'ny ambaratonga goavana be iray, koa noho izany izy ireo. . . Izany no antony mahatonga azy ireo ho sarotra raisina, ohatra ny penicilline, indraindray dia mamono olona iray izany.

<sup>81</sup> Ankehitriny, ny dokotera dia afaka manala sakana iray. Afaka manambatra taolana iray izy, saingy tsy afaka manasitrana. Andriamanitra no Anankiray izay manao ny fanasitrana. Andriamanitra no mamokatra kalsioma. Andriamanitra no mamokatra ny—ny fampitomboana an'ireo sela, mba hanorina ny vatanareo indray, izay nanesoran'izy ireo kambon-tsinay na zavatra tahaka an'izany. Andriamanitra no mpanasitrana tokana.

<sup>82</sup> Ankehitriny, Jesosy no nampanantena fa hanasitrana antsika Izy. “Raha hangataka zavatra amin'Ny Anarako ianareo, dia Hataoko izany. Rehefa mivavaka ianareo, dia minoa fa azonareo izay angatahanareo, dia ho azonareo izany.” Anareo izany. Minoa fa miseho izany ankehitriny.

<sup>83</sup> Ankehitriny, rehefa nampiseho ny Heriny lehibe teto an-tany Izy, ankehitriny, tsy nanasitrana olona Izy raha tsy ny Ray no naneho Taminy aloha an'izay hatao. Masindahy Jaona 5:19. Hoy Izy hoe, “Raha mety mino ianao, dia azo atao ny zavatra rehetra.” Ary avy eo ao amin'ny Masindahy Jaona 5:19, hoy Izy hoe, “Tsy manao na inona na inona Aho raha tsy mahita ny Ray manao an'ilay izy Aho aloha. Na inona na inona asehon'ny Ray Ahy, dia izany koa no ataon'ny Zanaka.” Firy no mahafantatra fa ny Baiboly no milaza an'izany? Efa mba namaky an'izany tao amin'ny Baiboly ve ianareo? Izany tokoa.

<sup>84</sup> Ankehitriny, rehefa nanao an'izany Izy tamin'ny Diany teto an-tany, dia Nataony tao amin'ny tanàna anankiray izany, nino Azy izy ireo, sitrana izy ireo, an'arivony; mandeha mankany amin'ny tanàna iray hafa, manao an'izany, mino izy ireo; mandeha mankany amin'ny Tanànanany Manokana, ny Tranony Manokana, ary rehefa nanomboka nanao an'izany Izy, dia hoy izy ireo hoe, “Iza moa io lehilahy io? Taiza no nahazoany an'izany fahendrena izany? Ahoana no nahafantarany hoe ahoana no hanaovana an'ireo zavatra ireo? Fantatsika izy.” Ary nilaza ny Baiboly fa “Maro ireo asa lehibe izay tsy Azony natao, nohon'ny tsi-finoan'izy ireo. Asa lehibe maro no tsy Azony natao.”

<sup>85</sup> Ankehitriny dia mivavaka aho, raha misy mpanota iray eto izao hariva izao izay rehefa hitanareo, raha hanao an'izany Izy. . . Ity no toeram-ponenako, ary ity no toerana sarotra indrindra izay hany niadiako teo amin'ny fiainako, efa niaraka tamin'ireo Hottentots aho tany Afrika, efa tany Inde aho

niaraka tamin'ireo vaudouisme, sy ny zavatra hafa rehetra, ary nohaikan'ireo mpampianatra mpamosavy, sy ny sisa, ary tsy nila nitolona mihitsy aho mba hanao ny Fanahin'Andriamanitra hiasa tahaka ny itolomako ao amin'ny toeram-ponenako manokana. Marina tokoa izany. Tsy satria hoe tsy tia ahy ny olona, satria marina ny Baiboly: "Marina tokoa, marina tokoa, Lazaiko aminareo, fa ny mpaminany ao amin'ny fireneny manokana," izay ao amin'ny zara-taniny manokana, "dia tsy ho hajaina, raha tsy ao amin'io toerana io izy." Tsy maintsy ho tahaka an'izany ilay izy.

Ankehitriny dia ndao isika hanondrika ny lohantsika vetivety fotsiny raha mivavaka isika.

<sup>86</sup> O Tompo finaritra, Izay nanao ny lanitra sy ny tany, namorona azy ireo tamin'ny Tànanao Manokana voatahy, mivavaka Aminao aho, Tompo, mba ho tsara fanahy sy hamindra fo aminay, izao hariiva izao, mamela ny fahotanay sy ny helokay. Mivavaka Aminao aho mba ho tsara fanahy amin'ireo izay marary sy manana ilaina. Ekeo izany, Tompo. Ary raha misy fahotana eto afovoanay, O Andriamanitra Mandrakizay, dia mamelà an'izany.

<sup>87</sup> Satria ao anatin'ny fotoana vitsy manaraka mihitsy, Ny Teninao dia na hita ho marina na hita ho diso Izany. Izany dia na hita ho marina na fahadisoana iray Izany. Andriamanitra dia mbola Andriamanitra foana, na ny Soratra no diso. Ary, Tompo, eo am-pitoriana an'ity, mino an'izany, mihazona an'izany eo amin'ilay fanehoan-kery, Tompo, eo amin'izay tsy maintsy hisehoan'ny zavatra iray. Tsy maintsy misy... Na, Andriamanitra no tsy maintsy manaporofy ny Tenany ho tena misy, na ny olona no manana zò hilaza hoe, "Tsy maintsy hitako aloha izany."

<sup>88</sup> Fa, Tompo, ny olona dia teraka tamin'ny fahotana, notorotoronina tamin'ny heloka, tahaka anay rehetra, tonga teto amin'izao tontolo izao miteny lainga. Noho izany dia fantatray, Tompo, fa azo antoka fa hamindra fo aminay ilay Andriamanitra mpamindra fo, ary hanampy anay, Andriamanitra malala. Mivavaka izahay izao hariiva izao ho an'ny isam-batan'olona tsirairay eto, mba Ny Fanahinao anie no hitoetra eo amin'izy ireo, hamela ny fahotanay sy ny fombanay ratsy fanahy. Ary enga anie izahay hahafantatra ny Tompo Jesosy ho Mpamonjinay finaritra izao ankehitriny izao. Ary enga anie ho tsara fanahy Ny Fanahiny.

<sup>89</sup> Ankehitriny, Ray, voasoratra ao amin'ny Teny, amin'ny alàlan'ny molotr'ilay Tompo sy Mpamonjinay finaritra manokana, Ny Zanakao, fa izao no voalaza hoe, "Ireo zavatra izay Ataoko no hataonareo koa. Izay mino Ahy, dia hanao an'ireo asa izay Ataoko. Vetivety foana, dia tsy hahita Ahy intsony izao tontolo izao, kanefa, ianareo no hahita Ahy,

satria homba anareo Aho, ary ho ao anatinareo, hatramin'ny fiafaran'ilay taona." Nanao teny fikasana iray Ianao hoe ireo zanak'i Adama tsy mino dia tsy afaka hahita Anao intsony rehefa nandao ny tany Ianao, fa ilay mpino dia hahita Anao amin'ny hery sy ny fanehoana, ao amin'ny taranaka tsirairay. Mino an'izany izahay, Tompo.

<sup>90</sup> Ary mino izahay fa miaina ao amin'ireo andro farany an'ny fizaram-potoan'ny Jentilisa izahay, izay hifarana tsy ho ela. Ary Ianao no nanangana an'ireo asa mahery ireo, mba tsy hananan'ny Jentilisa fialan-tsiny iray. Naka ny Sarinao niaraka taminay Ianao, tahaka an'ilay Andry Afo lehibe izay nitarika an'ireo zanak'Isiraely. Ary ahoana, tranangan-javatra iray toy ny inona izany, ary ny mahita Anao! Raha ho ilay sary irery fotsiny izany, "Izany..." dia afaka hilaza izahay hoe, "eny, mety efa *izao-sy-izao* izany, na dia nilaza aza ny tontolo siantifika fa marina izany." Fa rehefa mahita ny Fanahy midina izahay ka maneho, ary manao an'ireo zavatra iray ihany izay Nataony, amin'izay fotoana izay dia voatery manaiky an'Izany ho ilay Tompo nitsangana izahay.

<sup>91</sup> Ampio izahay, izao hariva izao, Tompo. Vahoaka an-dàlana ho any amin'ny Mandrakizay izahay. Manondrika ny lohanay mankany amin'ny vovoka izay Nangalanao anay izahay, ary eo amin'ny lalanan'ny miverina izahay, haingana mihitsy. Ity fotoan'ny fiomanana kely ity dia ho an'ny fanahinay. Aoka ho tsara fanahy ankehitriny, Tompo.

<sup>92</sup> Ary raha mitsangana ny Mpanomponao, O Andriamanitra, miaraka... Manana finoana hino aho fa tsy afaka mandainga Andriamanitra, hoe hihazona ny Fampanantenany Izy. Tsy maintsy manao an'izany Izy, mba ho Andriamanitra.

<sup>93</sup> Tompo, satria miha-mitombo ny taonako, ary, tsy fantatro hoe hafiriana no tsy maintsy hijanonako eto. Mivavaka aho, Andriamanitra, mba Hanomezanao ahy fahatsapana lehibe, lehibe kokoa noho izay efa vita mihitsy aza, raha azo atao, mba ahafahan'ny olona hahafantatra sy hahatsapa fa ilay Tenin'Andriamanitra velona dia ampahan'Andriamanitra. Ary enga anie ny olona rehetra tsy hanana fialan-tsiny, izao hariva izao, rehefa miala eto izahay, raha hanatodika ny lamosiny Aminao izy ireo. Ekeo izany. Vonjeo ireo fanahy ary sitrano ny marary. Fa mangataka an'izany amin'ny Anaran'Ny Zanakao izahay, ny Tompo Jesosy, ilay Mpamonjinay finaritra. Amena.

<sup>94</sup> Misaotra anareo nohon'ny fifantohanareo. Fantatro fa nihazona anareo fotsiny aho nandritry ny—ny elaela kely. Tiako fotsiny ity Teny tranainy tsara ity. Teraka tao anatin'Izany aho. Te-ho faty miaraka amin'Izany aho. Ny toerana tiako handehanana dia eto aorian'ny lampihazo eto mihitsy, te-handeha any an-Trano hihaona amin'Andriamanitra. Raha nanana fiainana roapolo hahavelomana aho, na fiainana

zato, dia ho tiako ny tsirairay avy amin'izy ireo ho an'ny Tompo Jesosy. Na dia tsy nisy Lanitra iray handehanana aza, aorian'izany, dia mbola te-hanompo ny Tompo Jesosy foana aho, ho an'ny fiadanana sy fahafaham-po izay ananako amin'ny fahafantarana fa velona Izy. Ary satria velona Izy, dia izaho afaka ny ho velona, ihany koa.

<sup>95</sup> Ankehitriny, raha nitsangana teto aho, izao hariva izao, mba hiteny amin'ity vondron'olona kely ity fa nanana hery hanasitrana olona iray aho, izaho...ho fantatreo haingana mihitsy, na ireo olona izay mahafantatra ny Baiboly, hahafantatra fa namitaka aho. Tsy manana hery hanasitrana aho. Tsy misy olona koa eto amin'izao tontolo izao manana hery hanasitrana. Amin'ny alàlan'i Kristy irery ihany izany, sy ny finoanareo ny asa vita. Ny mpanota tsirairay dia azo vonjena izao ankehitriny izao. Amin'ny nahoana? Amin'ny hoe satria midina ve Jesosy ka mamonjy anareo ankehitriny? Tsia. Satria efa namonjy anareo Izy rehefa maty ho anareo teo Kalvary Izy. Vita ilay izy, ilay drafi-pamonjena manontolo, ary ho an'ny fahasitrananareo. Ilay izy dia ny finoanareo manokana an'ilay Andriamanitra velona.

<sup>96</sup> Ankehitriny, efa nitsangana niaraka tamin'ny Koran aho teo amin'ny ilany iray, ary ny Baiboly teo amin'ilay hafa, teo anatrehan'ireo Mohametana an-jatony, ka nanao hoe, "Ny anankiray tokony ho marina, ary ilay anankiray hafa diso."

<sup>97</sup> Tsy mampaninona izay lazain'ny olona iray, raha tsy afaka manohana an'izay resahany izy, dia mandainga. Ary raha nampanantena Jesosy Kristy fa hanao an'ilay zavatra iray ihany izay Nataony Ny Fiangonany, ka tsy hanohana an'izany, dia misy zavatra tsy mety ao; tsy Zanak'Andriamanitra Izy. Fa raha hanohana an'izany Izy, amin'izay fotoana izay dia tsy manana fialan-tsiny izao tontolo izao. Marina izany. Voatery hihazona Ny Teniny Izy.

<sup>98</sup> Ary voatery Aminy ianareo. Tsy an'ny tenanareo ianareo. Maty hanavotra anareo Izy. Ary ianareo no Tadiaviny, mba hiverina any amin'ilay Anankiray izay nanavotra anareo.

<sup>99</sup> Raha vitako, izao hariva izao, dia ho nanasitrana ny olona rehetra ato aho. Tsy manana hery hanaovana an'izany aho. Ny fomba tokana izay ahafahan'ny mpitoriteny iray manao an'izany: mitory ny Teny. "Ny finoana dia avy amin'ny fandrenesana ny Teny."

<sup>100</sup> Ary milaza koa ny Teny fa hisy, amin'ny andro farany, sy mandritry ny taona, ny taom-Piangonana, "Hisy, voalohany ireo apostoly," dia ireo misionera, "faharoa ireo mpaminany, aorian'izany ireo mpampianatra, ary avy eo ireo fanomezam-pahasoavana samihafa," dia ho ao amin'ilay Fiangonana, mba haneho sy hampiseho Ny Fanatrehany.

<sup>101</sup> Ankehitriny, ny hevitra dia izao. Raha misy vahiny eto, tsy tonga eto amin'ny fiangonako manokana ela loatra aho mba hahafantatra hoe iza no tonga eto. Ity no tabernakla kely, ianareo mpitsidika, izay ananako. . . nitaizana, ny tabernaklako voalohany ary tokana. Tato amin'ity tanàna eto ity no nipetrahako teo anivon'ny olona. Raha vahiny ianareo miaraka aminay, dia manontania olona iray manerana an'ity tanàna ity, mandehana mankany amin'ny tafiky ny polisy, mankany amin'ny ben'ny tanàna, ary ny olona rehetra, ka tadiavo raha misy Kristiana eto efa mba nahita ny iray tamin'ireo fahitana ireo hany diso. Tsy mety diso Izany. Andriamanitra Izany. Hitanareo? Andriamanitra Izany.

<sup>102</sup> Ary teo amin'ilay renirano mihitsy, taona maro, maro, maro lasa izay, rehefa nanao batisa izahay, nanomboka tamin'ny fifohazana keliko voalohany, teo amin'izay nidinan'io Anjelin'ny Tompo eto io, ary nihantona teo ambonin'izay nisy anay. Ary hoy Izy tamiko hoe, “Handeha manerana an'izao tontolo izao ity Hafatra ity, ka hanomboka fifohazana iray izay hitety an'izao tontolo izao, ary ho alohan'ny Fihavian'i Kristy mihitsy, fanindroany.”

<sup>103</sup> Ary rehefa Rahalahy Davis, Dokotera Roy Davis, maro aminareo no mahafantatra azy, izay nanendry ahy tao amin'ny fiangonana, tao amin'ny fiangonana Batista. Rehefa, nilaza izy fa nanonofy ratsy aho. Ahoana no hahafahako, miaraka amin'ny fianarana kilasy fahafito, handeha ka hitory teny amin'ireo mpanjaka, sy manam-pahefana, ary ireo mpanapaka, manerana an'izao tontolo izao? Tsy afaka miteny aminareo aho. Fa Andriamanitra no niteny an'izany, dia nino an'izany aho. Ary namela ahy ho velona Izy mba habita an'izany, hoe efa vita izany. Ary fifohazana lehibe iray ankehitriny, an'ireo afom-pifohazana, no mirehitra eny amin'ny havoana tsirairay manerana an'izao tontolo izao, miandry ny Fihavian'ilay Tompo finaritra.

<sup>104</sup> Mpialoha làlana lehibe an'ireo zavatra ireo! Misy mpihazakazaka lehibe eto amin'izao tontolo izao androany: fitoriana filazantsara, toa an'i Billy Graham; tahaka an'i Jaona Mpanao-batisa izay nandeha niasa tany tao amin'ireo zavatra, ary nametraka ny famaky teo amin'ny fototry ny hazo, tsy nanao fahagagana; na i Jaona koa aza. Fa nitry ny Teny izy.

<sup>105</sup> Fa, taorian'ny nahatongavany avy hatrany, ny Tompo Jesosy; tsy mpitory teny malaza iray tahaka an'izany, fa manao famantarana sy fahagagana, nanao hoe, “Raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha manao an'ireo asa Aho, raha tsy mino Ahy ianareo, dia minoa an'ireo asa.” Avy eo dia hoy Izy hoe, “Tsy manao na inona na inona amin'ny Tenako Aho afa-tsy izay Hitako ataon'ny Ray ihany koa.” Ary inona no Nataony? Niteny tamin'ilay vehivavy ny amin'ny fahotany Izy. Niteny

tamin'i Filipino hoe taiza izy talohan'i Natanaela... Natanaela, taiza izy, talohan'ny nahitan'i Filipino azy teo ambanin'ny hazo iray, nivavaka. Noteneniny tamin'i Petera hoe iza no anarany. Noteneniny tamin'ilay vehivavy niaraka tamin'ny fitsiha-drà, rehefa nikasika ny Fitafiany izy, ireo zavatra rehetra ireo.

<sup>106</sup> Ary hoy Izy hoe, "Ireo asa izay Ataoko, no hataonareo koa. Hanao mihoatra ianareo, satria mankany amin'Ny Raiko Aho." Nikasika ny Fitafiany ny vehivavy anankiray, ary tena nalemy Izy. Tsy nisy anankiray hafa nikasika, araka ny fantatsika. Izay ihany no ananantsika, ary ny Baiboly ihany no tsy maintsy narahantsika. Fa ankehitriny dia afaka mahita an'izany vita isika, isam-potoana, amin'ny alàlan'ireo mpanota voavonjy nohon'ny fahasoavana. Nahoana? Satria hoy Ny Teniny hoe, "Hanao mihoatra noho izany ianareo." Ankehitriny, maty Izy. Hia, nitsangana indray Izy, ary velona Izy izao hariva izao.

<sup>107</sup> Hoy Izy hoe, "Izaho no Voaloboka, ianareo no sampana." Tsy ilay voaloboka no mitondra voa. Manadio an'ireo sampana izy, ary ireo sampana no mitondra voa. Tsy manana tànana afa-tsy ny ahy sy ny anareo Izy. Tsy manana maso afa-tsy ny ahy sy ny anareo Izy, satria niverina ho Fanahy Izy.

<sup>108</sup> Ilay Andry Afo izay nitarika an'ireo zanak'Israely, Izany ilay Anjelin'ny fanekena, Jesosy Kristy. Ny Baiboly no niteny an'izany. Mahafantatra an'izany ny mpamaky Baiboly rehetra. Dia hoy Izy hoe, "Avy tamin'Andriamanitra Aho. Mandeha mankany amin'Andriamanitra Aho." Ary niverina nankany amin'Andriamanitra Izy.

<sup>109</sup> Hoy ianareo hoe, "Niverina nankao amin'io Andry Afo io ve Izy?" Izany tokoa. "Milaza an'izany ve ny Baiboly?" Eny, tompoko.

<sup>110</sup> Paoly, taorian'ny Fitsanganany, dia nihaona Taminy teny amin'ny làlana nankany Damaskosy. Io Hazavana mampiratra iray io ihany no nanimba ny mason'i Paoly. Ary tsy nisy nahita an'Izany afa-tsy i Paoly. Zava-misy iray Izany ho an'ny sasany, fa tsy ho an'ireo hafa.

<sup>111</sup> Fantatro, amin'ny alàlan'ny fahatsapana iray, fa io Tompo Jesosy iray io ihany dia tsy roa dian-tongotra avy eo amin'izay itsanganako izao ankehitriny izao. Marina izany. Tonga ireo fahitana ary hitanareo izany.

<sup>112</sup> Ary tena namiratra Izany hany ka nanimba ny masony Izany. Hoy izy hoe, "Tompo! Tompo!"

Hoy Izy hoe, "Nahoana ianao no manenjika Ahy, ry Paoly?"

Hoy izy hoe, "Iza moa Ianao, Tompo?"

Hoy Izy hoe, "Izaho no Jesosy," ilay Hazavana.

<sup>113</sup> Indro Izy, amin'ny andro farany, manao an'ilay zavatra iray ihany, ireo voa iray ihany. Ny fanahy iray dia hanambara ny tenany, isan'andro. Raha hanao an'izany Izy, izao hariva izao,

ato amin'ity fiangonana kely ity, raha mitsangana eto ianareo miaraka amin'ny tongotra sy ranjo marary! Mivavaka aho. Tsy maintsy hanao an'izany indray mandeha fotsiny ihany Izy. Indray mandeha dia ho ampy.

<sup>114</sup> Isika dia olona izay miraparapa ao anatin'ny aizina. Te-hieritreritra hafa isika, saingy tsy izany isika. Hitantsika ireo zavatra ireo. Jesosy no nilaza ao amin'ny Baiboly, na ny Baiboly no miresaka ny Aminy, nilaza an'izao hoe, “Manana maso izy ireo, fa tsy afaka mahita; sofina fa tsy afaka mandre. Na dia nanao fahagagana marobe aza Izy, dia mbola tsy afaka nino Azy foana izy ireo.” Hitanareo ve izay tiako lazaina? Mifohaza ankehitriny, haingana.

<sup>115</sup> Raha hanao an'ireo zavatra ireo ny Tompo Jesosy, amin'izay fotoana izay dia Izy no Kristy, ilay tsy miova omaly, anio, ary mandrakizay. Enga anie Izy hanaiky an'izany ankehitriny. Raha hanaiky Izy, dia hankasitraka Azy aho. Raha mivavaka isika.

<sup>116</sup> Tompo Andriamanitra, Mpamorona ny lanitra sy ny tany, ankehitriny ny sisa amin'izany dia eo an-Tananao, Tompo. Ity no Hafatra kely, tapatapaka, tamin'ny alàlan'ny fahasartana. Ny olona miaraka amin'ny fanahiny voaelingelina tanteraka, amin'ny fitsanganana, tongotra marary, ary mitomany ny olona marary, ary tena sarotra ilay izy. Fa mivavaka aho, Tompo, mba Ianao na manao ahoana na manao ahoana, na manao ahoana na manao ahoana na amin'ny fomba iray, no hitondra an'ilay Hafatra kely ho azy ireo, hoe ny olona izay manana finoana, izay mino fa Ianao no nampnantena fa azo atao ny zavatra rehetra.

<sup>117</sup> Avy eo, ireo izay nikasika ny fitafian'ny Tomponay, nampianarina izahay ao amin'ny Testamenta Vaovao, hoe, “Mbola Izy no Mpisoronabe izay azo kasihan'ny fahatsapan'ny fahalementsika.” Mbola afaka miresaka foana Izy. Mbola velona foana Izy. Ary izahay no Voalobony . . . na ireo Sampany izay mifandray amin'ilay Voaloboka. Noho izany dia avia, Fanahy Masina, mitenena ary omeo Hazavana izahay. Omeo fanasitranana izahay. Omeo famelàna ny fahotanay izahay, ary ataovy ho Olona izahay. Fa mangataka an'izany amin'ny Anaran'i Jesosy izahay, ary ho an'ny Voninahiny. Amena.

<sup>118</sup> Tsy fantatro hoe ahoana no hampitsanganantsika an'ireo olona marary. Tsy afaka mampitsangana be loatra isika amin'ny fotoana iray. Ndao jerentsika. Karatra fangataham-bavaka, ianareo rehetra ve . . . Ankehitriny dia misy zazalahy roa amboniny izay ho avy mba hizara karatra fangataham-bavaka, Gene sy Leo. Tsy mbola tonga mihitsy izy ireo. Ary tsy nizara karatra betsaka izy ireo. Heveriko fa i Billy dia nanana . . . Firy? Nanana dimampolo fotsiny izy. Tsy voatery hanana an'izany ianareo. Mazava ho azy, misy vitsivitsy fotsiny, mifangaro, afaka maka vitsivitsy isika eto, ho—ho eto. Ankehitriny, inona izany, nanomboka tamin'ny iray ka hatramin'ny dimampolo? Izy ireo

dia manomboka amin'ny iray hatramin'ny dimampolo. Ahoana no hanaovan'izy ireo an'izany? Tonga avy hatrany izy ireo ary manafangaro an'ireo karatra, eo anelanelanareo.

<sup>119</sup> [Elanelana tsy voaraki-peo—Mpand.]...miresaka aminao fotsiny, mba hifandray fotsiny...Eto, mitsangàna eto amin'ity ilany ity, satria mino aho fa ilay feo dia tsy miditra tsara loatra eo amin'ity fanamafisam-peo kely eto ity. Raha ianao no... .

<sup>120</sup> Raha hanambara ny maha-eto anao ny Fanahy Masina, tahaka an'ilay vehivavy teo amin'ny fantsakana, izay nanatona ny Tompo Jesosy. Ary hoy Jesosy hoe, "Ireo zavatra izay Ataoko no hataonareo koa." Ary raha hanambara an'izay ilainao Aminy Izy, na inona na inona ilainao, inona ny olanao, dia hino ve ianao fa Izy izany? Hino ianao. Ho fantatr'izy ireo fa tsy maintsy avy amin'ny hery iray ivelan'ny voajanahary izany. Ankehitriny raha ilay ramatoa... .

<sup>121</sup> Raha hilaza aho hoe, "Ramatoa, ianao dia mila—mila vola vitsivitsy ianao satria ianao—ianao dia...manana trosa haloa ianao. Ho azonao izany." Hah! Hanana zò hisalasalà an'izany izy. Raha hilaza aho hoe, "Marary ianao ary ho salama." Hanana zò hisalasalà an'izany izy. Tsy hahafantatra izy.

<sup>122</sup> Fa ahoana moa raha midina eo ny Fanahy Masina, ka maneho zavatra iray izay nataony? Zavatra iray izay izy no hahafantatra na marina izany na tsia. Izy no ho mpitsara an'izany. Hitanareo? Aoka izy no ho mpitsara. Hitanareo?

"Ankehitriny, inona no lazainao fa ataonao, Rahalahy Branham?"

<sup>123</sup> Rehefa avy nitory teny tahaka an'izany, ary ato amin'ny fiangonako manokana, dia miandry an'io hosotra io hidina aho, ilay Fanahy Masina finaritra hanao ny hosotra. Ary matoky aho fa hanao Izy, ho an'ny voninahitr'Andriamanitra.

<sup>124</sup> Ankehitriny dia aoka ilay ramatoa...Eto izy. Manondrika ny lohany izy. Mikimpy ny masony. Ao amin'ny vavaka izy. Tiako ianao hivavaka ho an'izay rehetra ilainao. Ary ny Tompo no hanambara an'izany, ary ianao no ho mpitsara.

<sup>125</sup> Ilay vehivavy, raha mbola afaka mandre ny feoko foana ny mpanatrika, mijaly amin'ny aretin'ny fikorontanan-tsaina goavana iray izy. Ary mahita dokotera iray manao zavatra aho. Izy dia mametraka za—zavatra iray manodidina ny sandriny. Ary milaza izy fa manana tosi-drà ambony izy. Marina izany. Tsy marina ve izany, ramatoa? [Hoy ilay anabavy hoe, "Marina izany."—Mpand.] Ankehitriny misy zavatra... .

<sup>126</sup> Efa renareo ve izany feo izany? Tsy izaho izany. Tsy nisy nidirako tamin'izany. Ankehitriny, arakaraky ny niresahako taminy betsaka, no hitrangany betsaka. Diniho fotsiny ankehitriny, hiresaka aminy indray isika. Tsy fantatro izay Nolazainy fa tsy nety taminy. Raha izy ireo... .Ilay izy dia, ho eo

amin'ireo horonam-peo ao aoriana ao izany, hitanareo. Fa, na inona na inona ilay izy, dia marina izany.

<sup>127</sup> Ankehitriny dia ndao isika hijery azy indray. Eny, hitako izy ankehitriny ao anatin'ny aretin'ny fikorontan-taina. Ary misy zavatra tsy mety amin'ny ràny. Ary tsy avy eto amin'ity tanàna ity izy. Avy any Louisville izy. Ary tany amin'ny hopitaly iray izy vao haingana, ary ho an'ny aretin'avokavoka ilay izy. Ary miteny aminy ny dokoterany fa tratry ny fiverenan'izany izy, ka tsy maintsy miverina any amin'ny hopitaly indray. Izany no HOY NY TOMPO HOE. Marina izany.

<sup>128</sup> Fa tsy mila miverina ianao, ramatoa. Ny finoanao no nanao anao ho salama. Ianao dia—sitrana ianao ankehitriny, amin'ny Anaran'ny Tompo Jesosy. Ankehitriny, mandehana ary aoka ho salama. Ny Tompo hitahy anao.

Nisy zavatra iray nidirako tamin'izany ve? Tsy nisy zavatra iray.

<sup>129</sup> Ankehitriny, indro mitsangana ny ramatoa iray izay tsy mbola hitako mihitsy teo amin'ny fiainako. Ataoko fa samy vahiny isika. Sa tsy izany? Nahita ahy ianao, saingy tsy mbola nahita anao mihitsy angamba aho. Mety tao amin'ny fivoriana sasantsasany angamba ianao na tany ho any. Ankehitriny, raha hampahafantatra ahy ny Tompo Jesosy hoe ho an'ny inona no maha-eto anao, dia hahafantatra ianao amin'izay fotoana izay, izaho tsy mahafantatra anao, hoe misy fomba iray hahafantarako. Tokony ho fantatrao fa tonga amin'ny alàlan'ny ivelan'ny voajanahary izany. Noho izany dia inona no heverinao fa hisy? Ilay zavatra iray ihany izay nolazain'ny Baiboly, hoe Jesosy Kristy no tsy miova omaly ary mandrakizay.

<sup>130</sup> Hino an'izany ve ianareo mpanatrika? Ity ny tanao. Araka ny fantatro, dia tsy mbola nahita an'ity vehivavy ity mihitsy aho teo amin'ny fiainako. Hitanareo? Ary izy nahita ahy. . .

<sup>131</sup> Fa tsy fantatro izay maha-eto anao. Tsy mahafantatra na inona na inona mikasika an'izany aho. Izaho—izaho—tsy fantatro fotsiny, fa Andriamanitra no mahafantatra. Ankehitriny, raha hanambara an'izany ny Tompo, amena. Izay ihany no Azony hatao raha nitsangana teto Izy. Raha ho an'ny fanasitranana ilay izy na zavatra hafa, dia Tiany hino an'izany fotsiny ianao, izay ihany. Izao dia mba hanehoana fa marina Ny Teniny.

Nisy zavatra nitranga tao amin'ny mpanatrika teo. Manàna finoana fotsiny.

<sup>132</sup> Ankehitriny ilay izy dia toy ny hoe misy. . . Ankehitriny raha afaka mahita eo anelanelako sy ilay vehivavy ianareo. Mijaly amin'ny fahalemena iray ianao. Tratry ny tena famelezan'ny fahalemena ianao. Marina izany. Fahalemena goavana mihitsy; mikorontan-taina, malemy. Fa tsy izany no antony maha-eto anao. Eto ianao ho an'ny olon-kafa, ary lehilahy iray izany.

Ny vadinao izany. Tsy afaka tonga izy, satria tratry ny aretim-po mahery sy fikorontanan-tsaina izy. Ary tsy avy eto amin'ity tanàna ity ianao. Avy any amin'ny toerana iray antsoina hoe Columbia ianao. Columbia, Kentucky. Ny anaranao dia Lottie Goodin. Ny anaran'ny vadinao, Elmer. Mandehana mody dia jereo arak'izay ninoanao izany. Ary enga anie Andriamanitra hanaiky an'izany ho anao, amin'ny Anaran'ny Tompo Jesosy.

Minoa fotsiny. Manàna finoana. Aza misalalasa ankehitriny. Minoa fotsiny.

<sup>133</sup> Ataoko fa samy vahiny isika, tompoko? Ankehitriny, indro ny lehilahy roa. Tahaka an'i Filipo nandeha mihitsy ka nahita an'i Natanaela, ary nitondra azy nankeo amin'ny Tompo. Tsy mahafantatra anao aho, ary ianao tsy mahafantatra ahy. Fa Andriamanitra no mahafantatra antsika roa. Fantatrao tsara fa misy zavatra miseho izao ankehitriny izao. Hitanareo? Ny mitsangana eo anoloan'ny lehilahy iray dia tsy hanao anao hahatsapa tahaka an'izany, io fihetseham-po manetry tena, mamy io.

<sup>134</sup> Ankehitriny, raha afaka mahita Hazavana iray fotsiny ianareo izay mihetsika, mipetraka eo anelanelako sy ilay lehilahy. Ankehitriny dia miala amiko izy. Ary tsy ho an'ny tenany no maha-eto azy. Eto izy ho an'ny olon-kafa iray, izany dia havana iray, zana-drahalahy iray. Ary izy dia ao amin'ny tafika, ao amin'ny tafika an-dranomasina. Saingy tsy lavitra avy eto izy. Izy dia eo akaikin'ny toerana iray izay misy karazan-javatra ara-miaramila betsaka. Hopitaly iray izany, ary Fort Knox izany. Ary jamba izy, nateraky ny—ny tifi-basy iray. Ary milaza ny dokotera fa tsy misy fanantenana intsony ho azy. Izany no HOY NY TOMPO HOE. Mino ve ianao? [Hoy ilay rahalahy hoe, “Eny, tompoko.”—Mpand.] Noho izany dia enga anie izany ho araka ny finoanao, ry rahalahiko. Ary raiso, amin'ny Anaran'i Jesosy Tompontosika. Amena. Mino ve ianao? Andriamanitra hitahy anao, ry rahalahy malalako.

Ianao, ilay olona manaraka. Manao ahoana ianao? [Elanelana tsy voaraki-peo—Mpand.]

<sup>135</sup> Maha-te-ho tia toy ny ahoana ny Mpamonjintsika finaritra, ahoana—ahoana fa manerana, ahoana fa ilay Jesosy iray ihany izay nitsangana tany Galilia!

<sup>136</sup> Vetivety fotsiny. Io ve ilay lehilahy, itsy, teo amin'ny lampihazo vao teo? Iza tamin'ireo lehilahy ireo ilay izy? Io lehilahy eo io? Eny àry. Afaka mipetraka ianareo.

<sup>137</sup> Izany dia ilay ramatoa eto amin'ny farany mihitsy, manao satroka mena. Eny. Mivavaka ho an'ny sakaiza iray izay alikaolika iray ianao. Marina izany. Eny àry. Raha mety mino ianao, dia afaka mahazo. Amena. Eny àry.

<sup>138</sup> Hino ve ianao? Tsy mahafantatra anao aho. Tsy mbola nahita anao mihitsy aho teo amin'ny fiainako. Samy vahiny isika. Fa

raha haneho ny Tenany ny Tompo Andriamanitry ny Lanitra, amin'ny Heriny, ka hanambara fa Izy no tsy miova omaly, anio, ary mandrakizay, dia hino Azy ve ianao? [Hoy ilay anabavy hoe, “Tena mino Azy aho.”—Mpand.]

<sup>139</sup> Ndao jerentsika, ity ve telo sa . . . olona sa . . . Nisy mihoatra noho izany nandalo, sa tsy izany? Ny telo dia fanamarinana, mazava ho azy. Fa, na inona na inona ilay izy.

<sup>140</sup> Eto ianao ho an'ny olon-kafa iray. Izany no fanirianao lehibe. Ary ho an'ny lehilahy iray izany. Ary zanakao io lehilahy io. Ary tratry ny aretim-po izy. Ary nanana karazana zavatra iray nitranga taminy izy. Fahatapahan'ny lalan-drà iray izany. Ary izany no nampalemy azy tamin'ny ampahany. Ary marary koa ianao. Tratry ny kôlita ianao. Aretin-tsinay iray izany. Izany no HOY NY TOMPO HOE.

<sup>141</sup> Ary zavatra iray hafa, mahita iraka iray mandeha mitety toerana aho. Tsia. Olona iray tonga teto amin'ny tabernakla izany, indray andro lasa, ary nangataka vavaka ho anao, ka nanasitrana anao ny Tompo. Izany no HOY NY TOMPO HOE. Raha marina izany, dia atsangano ny tãnanao. Mino ve ianao fa azonao izay angatahanao? [Hoy ilay anabavy hoe, “Mino aho.”—Mpand.] Noho izany dia enga anie ho aminao izany, ry anabaviko, araka ny nomanin'ny Tompo Jesosy. Amena.

Manao ahoana ianao?

<sup>142</sup> Mino ve ny olona rehetra? Mino amin'ny fonareo rehetra ve ianareo? Manàna finoana ankehitriny. Inona izany?

<sup>143</sup> Tsy maintsy miresaka eto iray segondra fotsiny aho, raha sitrakareo, satria manana betsaka ho vitaina aho, ary te-hitsahatra vetivety fotsiny. Tsy fantatrareo izay ataon'izany aminareo. Ratsy noho ny mivavaka- . . . Azo antoka. Firy no mahatsiaro, fa ilay mpaminany lehibe Daniela dia nahita fahitana anankiray ka voakorontana tao an-dohany nandritry ny andro maro? Tsaroanareo ve? Azo antoka. Hitanareo? Ny Fahasoavany fotsiny ihany izany.

<sup>144</sup> Ankehitriny ianareo eo, izay tsy ao anatin'ilay laharam-bavaka, manomboha mijery aty fotsiny. Izaho . . . Hoy ianareo hoe, “Rahalahy Branham, hahavita soa ve izany?” Azo antoka. Mangataha fotsiny amin'ny Tompo Jesosy. Manaova hoe, “Ray finaritra, avelao aho hikasika ny Fitafianao. Ary ny fomba tokana ahafantarako fa nikasika ahy Ianao, na nandre ahy, izany dia raha hiteny amin'ny alàlan'ny molotr'io lehilahy io Ianao ka hiteny amiko an'izay angatahiko, tahaka ny eny ambony lampihazo. Mino Anao aho.” Ianareo izay tsy manana karatra fangataham-bavaka ankehitriny, mivavaha ary minoa an'izany tahaka an'izany. Aza misalasala. Manàna finoana fotsiny.

<sup>145</sup> Ankehitriny, ity ve ilay marary, Rahalahy Neville? Ity ve ilay marary? [Hoy Rahalahy Neville hoe, “Eny, izy io.”—Mpand.]

146 Tsy fanahy iniako ny namela anao hitsangana eo. Fa izany dia . . . Azonao eritreretina izay miseho. Samy vahiny ve isika? [Hoy ilay anabavy hoe, “Marina.”—Mpand.] Vahiny isika. Ankehitriny aoka ho voalamina ity. Vahiny amiko ity vehivavy ity. Tsy mahafantatra azy aho. Tsy mbola nahita azy mihitsy aho, teo amin’ny fiainako. Ary izao no fotoana voalohany ihaonanay. Marina izany. Fotoana voalohany hany nifankahitanay maso. Ary vehivavy iray izay tonga teto amin’ny lampihazo eto fotsiny izy. Nisy olona nanome azy karatra fangataham-bavaka iray, ary niakatra teto amin’ny lampihazo fotsiny izy. Izay ihany no fantatro mikasika azy.

147 Fa ny Tompo Jesosy no afaka manambara an’izany. Ary raha afaka manambara an’izany Izy, amin’izay fotoana izay dia Izy no tsy miova omaly, anio, ary mandrakizay. Izany marina tokoa no Nampanantenainy hatao. Ary raha tanteraka izany teny fikasana izany, dia hanatanteraka ny teny fikasana rehetra izay Nataony Izy. Ary Izy no nampanantena ny hanasitrana anao raha hino an’izany ianao. Hitanao ve izay tiako lazaina ankehitriny? Tsy mety diso izany. Tsy maintsy ho toy izany ilay izy. Oh, isaorana anie Ny Anarany! Tsy mety diso mihitsy Izy.

148 Raha hampahafantatra ahy an’izay efa misy teo amin’ny fiainanao ny Tompo Jesosy, dia azo antoka fa ho Fantany izay hisy eo amin’ny fiainanao. Ianao no ho mpitsara an’izany.

149 Firy no hanao hoe, “Hino amin’ny foko rehetra aho, raha hihazona ny tãnany io vehivavy io, ianareo roa dia milaza fa tsy mbola nihaona mihitsy ianareo tany aloha, ary ny Tompo Jesosy no hanambara an’izany, dia hino aho”? Amin’ny—amin’ny fonareo rehetra, hanao an’izany ve ianareo?

150 Tsy tian’Andriamanitra ho malaina isika. Tiany isika hanana finoana. Indro izahay, eto anoloan’ny polipitra, mipetraka eto ny Baiboly, ary, izahay roa, mitsangana eto izahay.

151 Ilay ramatoa dia mijaly amin’ny aretin’ny fikorontanan-tsaina tafahoatra. Izany no olanao. Fa ny eritreretinao dia, dia zavatra iray ao amin’ny vavoninao, izay manome anao entona ao amin’ny vavoninao. Ireo fikorontanan-tsaina no manao an’izany. Marina izany. Ary manana zavatra tsy mety ianao eo amin’ny tendanao, sy eo amin’ny sorokao. Satria . . . Mandeha any ampiangonana ianao, ary Kristiana iray ianao. Ary mpitendry piano iray ianao ao amin’ny fiangonanao. Ary rehefa mitendry ny piano ianao, dia io fijaliana io no maharary anao rehefa mitendry ny piano ianao. Izany no HOY NY FANAHY HOE. Marina izany. Ary tsy avy eto amin’ity tanàna ity ianao. Fa avy any amin’ny tanàna iray ianao eo amin’ilay renirano. Ary tsy Louisville izany. Cincinnati, Ohio. Izany no HOY NY TOMPO HOE.

152 Afaka mahita an’io laharana io ve ianao? Nahakasika teo no ho eo ny finoana, satria ny . . . Io lehilahy tanora mipetraka

etsy io mihitsy, karazana volo olioly, manana zavatra mifandray aminao izy. Marina izany, ry lehilahy tanora. Nikasika zavatra iray ny finoanao. Mijaly amin'ny hernia ianao. Marina izany. Ary avy any Cincinnati koa ianao. Marina izany. Mino ve ianao?

<sup>153</sup> Ramatoa kely iray no nanainga ny sorony, mipetraka eto mihitsy, miaraka amin'ny satroka mavokely iray, aron'akanjo iray manodidina azy. Tratry ny aretina eo amin'ny masonry izy. Marina izany. Ary avy any Cincinnati izy. Marina izany. Ary mamela ahy hiteny aminao. Mino ahy ho mpaminanin'Andriamanitra ve ianao? Mino ve ianao? Mivavaka ho an'ny vady iray izay manomboka misotro ianao. Nandeha tany am-piangonana izy taloha ary lasa Kristiana iray, saingy niverin-dalana izy, ary misotro ankehitriny. Izany no HOY NY TOMPO HOE. Marina izany. Eny, atsangano ny tananao raha marina izany. Noho izany, eny àry.

<sup>154</sup> Io ramatoa kely mipetraka eo akaikinao eo io, dia mijaly amin'ny aretin'ny fikorontanan-tsaina. Avy any koa izy. Fa ny zavatra izay ilainao dia ratsy lavitra noho ny hatramin'izay. . . Mandeha any am-piangonana ianao, saingy tsy mbola lasa tena Kristiana iray. Marina izany. Hanaiky Azy ho Mpamonjinao manokana ve ianao ankehitriny, satria eo Izy? Raha mino ianao, dia ahofahofaho any Aminy ny tananao, ankehitriny dia ekeo Izy. Andriamanitra hitahy anao. Voavela ny fahotanao. Mandehana am-piadanana ianao, ary lasa ny fikorontanan-tsainao. Amena. Mandehana mody ary aoka ho sambatra, amin'ny Anaran'ny Tompo.

Mino ve ianareo? Ny zavatra rehetra dia azo atao ho an'ireo izay mino.

<sup>155</sup> Ankehitriny dia nahatsapa fangovitana iray aho tany. . . tsy fangovitana iray, fa fanahy iray izay milaza fa mamaky ny sain'izy ireo aho. Tsy manao an'izany aho. Mitandrema tsara ianareo, ho tonga eo aminareo izany.

<sup>156</sup> Indro, ity lehilahy eto ity, apetraho eo amin'ny ahy ny tananao, tompoko. Tsy hijery anao akory aza aho. Raha hanambara amiko ny Tompo Jesosy hoe inona ny aretinao, dia hanaiky ny fahasitrananao ve ianao na izay ilainao? Hanao an'izany ve ianao? Ity lehilahy eto ity, hanao ve ianao? [Hoy ilay rahalahy hoe, "Eny."—Mpand.] Aretim-po. Ankehitriny, mandehana ianao ary aoka ho sitrana. Ny Tompo Jesosy anie hanao anao ho salama. Raha mino amin'ny fonao rehetra ianao, dia afaka handeha ka ho salama. Andriamanitra hitahy anao.

<sup>157</sup> Avia. Ankehitriny, ity ramatoa eto ity. Manana fanahin'ny fahafatesana iray ilay vehivavy eo aminy, satria tratry ny homamiadana izy. Mino ve ianao fa hanasitrana anao ny Tompo, ranabavy? [Hoy ilay anabavy hoe, "Azo antoka fa mino aho."—Mpand.]

158 O Andriamanitra Malala, Izay nanao ny lanitra sy ny tany, Ity vehivavy kely mahantra ity dia tratra tao anatin'ireo rangotry ny devoly. Mihantona akaiky ny aloka mainty iray, saingy mihaika an'io demony io izahay. Amin'ny Anaran'ny Tompo Jesosy, mivoaha avy ao amin'ilay vehivavy, ary enga anie izy handeha ka ho salama, amin'ny alàlan'ny Anaran'i Jesosy Kristy. Amena.

Ny Tompo hitahy anao, ranabavy. Mandehana, ary aza misalasala na amin'ny inona na inona.

159 Raha mety mino ianao! Mino ve ianao? Manàna finoana fotsiny. Hoy ny Baiboly hoe, “Raha mety mino ianao, dia azo atao ny zavatra rehetra.” Fa izany ihany no fomba tokana ahafahan'izany ho vita.

160 Samy vahiny isika, tompoko, saingy ny Tompo no mahafantatra antsika roa. Raha hanambara amiko an'izay maha-eto anao Izy, dia handray an'izany ve ianao? Tratry ny aretim-bavony ianao.

161 Ary zavatra hafa iray, mpanota iray ianao. Tsy nanaiky ny Tompo ho Mpamonjinao ianao. Hanaiky Azy ho Mpamonjinao ve ianao? Atsangano Aminy ny tãnanao, ekeo ho Mpamonjinao Izy, ary izaho manambara anao, amin'ny Anaran'i Kristy, sitrana tamin'ny aretim-bavoninao. Mandehana ka aza manota intsony. Amena.

Mamindrà fo, ilay Andriamanitra velona!

162 Mino ve ianao fa manasitrana anao amin'io aretim-po io Andriamanitra? Noho izany dia mandehana any ary aoka ho salama, amin'ny Anaran'ny Tompo Jesosy.

163 Ilay ramatoa kely mipetraka eto, manao palitao mainty, solomaso, manana karatra fangataham-bavaka ve ianao, ramatoa? Tsy manana ianao? Misy zavatra tsy mety amin'ny sofinao, izay tianao hivavahako. Ary ianao dia tratry ny aretintsinay, ihany koa. Marina ve izany? Eny àry. Tapitra ilay izy ankehitriny. Mandehana, minoa. Raha mety mino ianao!

164 Mila vavaka ho an'ny olona iray ianao, sa tsy izany? [Hoy ilay rahalahy hoe, “Eny, tompoko.”—Mpand.] Anabavy iray, any amin'ny toeram-pitsaboana iray.

165 O Andriamanitra Mandrakizay, alefaso ho an'ilay olona ny Fitahiana, ary enga anie izy ireo ho sitrana. Ekeo izany, O Tompo, fa mangataka an'izany amin'ny Anaran'i Jesosy izahay. Amena.

Tadiavo izany araka ny ninoanao, ry rahalahiko. Aza misalasala.

166 Raha mety mino ianao! Mino ve ianareo? Oh, mety ho fotoana iray be voninahitra toy ny inona izany ho an'ny rehetra, raha ianareo no . . .

<sup>167</sup> Toy ny hoe misy Hazavana iray manodidina an'ilay vehivavy izay somary matavy, mijery ahy, *eto* aoriana eto mihitsy. Ilay ramatoa ao anatiny izany. Miala aminy izany, satria vao avy sitrana io ramatoa io. Fa ilay ramatoa manaraka dia manana zavatra iray, karazana tosi-drà, tosi-drà ambany. Mino ve ianao fa hanao anao ho salama ny Tompo, ramatoa? Raha mety mino ianao, dia azo atao ny zavatra rehetra. Mino an'izany ve ianao, ramatoa, izay mijery manodidina eo? Mino amin'ny... Mino an'izany ve ianao, amin'ny fonao rehetra? Eny. Manaiky an'izany ve ianao? Eny àry. Afaka mandeha ianao ka ho salama, amin'ny Anaran'ny Tompo Jesosy.

<sup>168</sup> Ilay lehilahy mipetraka *eto* mihitsy, mivavaka. Tianao ve ny hitenenako aminao an'izay lazainao? “Tompo, sitrano amin'ity aretin'ny taolan'orona ity aho.” Eny àry. Ataony izany, amin'ny Anaran'ny Tompo Jesosy, raha mety mino ianao.

<sup>169</sup> Mino ve ianao fa hanaisotra ny aretim-po hiala aminao Andriamanitra, afaka handeha ho salama ianao? [Hoy ilay rahalahy hoe, “Eny.”—Mpand.]

<sup>170</sup> O Tompo, alefaso ny Famindramponao sy ny herinao, ka tahio ity lehilahy mahantra ity, Tompo. Ary ataovy salama izy, amin'ny alàlan'ny Anaran'i Jesosy Kristy, no angatahako an'izany. Amena.

Minoa an'izany ankehitriny. Aza misalasala. Azo atao ny zavatra rehetra.

<sup>171</sup> Tsy zavatra sarotra iray ho sitranin'Andriamanitra ny aretin-kozatra. Mino ve ianao fa hanao an'izany Izy?

<sup>172</sup> O Tompo, mivavaka aho, mba, amin'ny Anaran'i Jesosy, mba Handefasanao Ny Fanahinao eo amin'ity vehivavy malala ity ka hanao azy ho salama tanteraka. Ary enga anie izy handeha any an-tranony, mifaly, ary ho salama. Tsy misalasala na kely aza, fa mino fa miseho izany izao ankehitriny izao. Ary ho azony izay ninoany. Mangataka an'izany amin'ny Anaran'i Jesosy izahay. Amena.

<sup>173</sup> Mino amin'ny fonao rehetra ve ianao? Afaka mahazo an'izay angatahanao ianao, arak'izany.

<sup>174</sup> Eny aoriana, ery, eo amin'ilay zoron-trano, io ilay Anjelin'ny Tompo mitsangana ery aoriana ery, Hazavana iray. Raha mety mino ianao! Ianao etsy, eo amin'ny laharana telo eo amin'ity ilany aoriana ity. Ny tsara indrindra izay mety hitako avy eto, dia saiky ilay olona faharoa ao izany; izay mivavaka ery aoriana ery, izay tratry ny aretin-tsinay. Mino ve ianao fa hanasitrana anao Andriamanitra? Eny àry. Afaka mahazo an'izay angatahanao ianao.

<sup>175</sup> Apetraho eo amin'io lehilahy eo akaikinao eo io ny tãnanao. Satria, mivavaka izy, miaraka amin'ny aretin-tenda. Raha

hino amin'ny fonao rehetra ianao, dia afaka hahazo an'izay angatahanao. Amena.

<sup>176</sup> Mino ve ianao? Ny Tompo Jesosy, amin'Ny . . . ity fotoana ity mihitsy, dia afaka hanao ny tsirairay avy aminareo ho salama tanteraka, raha mety mino an'izany ianareo. Mino an'izany ve ianareo? Noho izany dia apetraho eo amin'ny iray hafa ny tãnanareo, iray minitra fotsiny, dia hasehoko anareo ny voninahitry ny Tompo.

<sup>177</sup> Ankehitriny, na Rahalahy Wood, na Billy, ny anankiray, dia mikasika ahy ao amin'ny lamosina, ka fantatro fa izao mihitsy no saiky fotoana izay tsy hamelan'izy ireo ahy hitsangana ela intsony, satria lasa ny tanjako.

<sup>178</sup> Nilaza aho, vao teo, fa raha ho avy Andriamanitra ka haneho ny Tenany, raha hanaporofy Izy, amin'ny alàlan'ny fahatsapana iray, fa Izy no Tompo Andriamanitra, hoe Izy no tsy miova omaly, anio, ary mandrakizay, amin'izay fotoana izay dia tsy hanana antony hisalasalana ianareo; tsy afaka koa, ao amin'ny Hafatro izao hariva izao, ny iray amin'ireo izay nahita indray mandeha ny Fanatrehan'Andriamanitra. Ahoana no nahafahan'i Filipino hisalasalana? Ahoana no nahafahan'i Natanaela hisalasalana? Ahoana no nahafahan'ily vehivavy niaraka tamin'ny fitsihadrà? Tsy afaka nisalasalana izy. Nikasika Azy izy, ary Nambarany taminy hoe ho an'ny inona no nikasihany.

<sup>179</sup> Aza mijery ny haben'ny fiangonana na toy ny inona izy. Aza mijery an'ily fiangonana kely, satria olona tsotra isika rehetra. Fa eritrereto ilay Tompo finaritra, Izy eto ny Fanatrehanay, Izy maneho ny Tenany fa velona. Minoa Azy izao ankehitriny izao, dia afaka mahazo ny zavatra rehetra izay angatahanareo ianareo, ary minoa. Ankehitriny dia afaka manasitrana eto mihitsy Izy na izany aza. Ny Fanatrehanay . . . Efa sitrana ianareo. Zavatra tokana ihany no manakana anareo tsy handray an'izany, izany dia ny tsi-finoana. Ialao izany, izao ankehitriny izao. Aza tsy mino an'izany intsony; ario izany, ary raiso ny Tompo Jesosy ho mpanasitrana anareo. Diniho izay mitranga. Mivoaha amin'ity tranobe ity, mifaly, satria ao amin'ny Fanatrehan'ny Tompo Jesosy ianareo izao ankehitriny izao. Tsy hoe satria ato amin'ity tabernakla ity ianareo, fa satria tonga Izy ka mamangy antsika. Tsy hoe satria izaho no mpitory teny, na ity . . . na ny Rahalahiko Neville, na ny iray amin'ireto Kristiana hafa ireto, tsy ny fanatrehanay, fa Ny Fanatrehanay izany. Tsy mety diso Izany. Izany no Baiboly. Izany no Fahamarinana. Isaorana anie Ny Anarany!

<sup>180</sup> Na dia nilaza aza Izy hoe, “Ao amin'ny firenenay manokana, eo anivon'ireo olonay manokana,” ny fahasavana no nihoatra an'izany, izao hariva izao, nohon'ny fahakaikezan'ny fotoana. Antomotra ny farany. Izy no nampanantena fa rehefa

manomboka miseho ireo zavatra ireo, dia antomotra ny andro farany.


<sup>181</sup> Minoa an'izany ankehitriny raha mivavaka aho. Hoy ny Baiboly hoe, “Ny fiasan'ny vavaky ny marina no mahery indrindra.” Noho izany dia ndao isika hivavaka, raha mifampivavaka ianareo, raha mifametra-tànana ianareo.

<sup>182</sup> Tompo, Ianao no toeram-piafenanay ao amin'ny taranaka tsirairay. Ianao no fialofanay. Efa ela no niandrasanay Anao. Efa ela no nanirian'ity fiangonana protestanta ity habita an'ilay andro izay nahafahany nitsangana. Rehefa voatosika eny amin'ny ilany iray ilay vondrona kely, satria tsy nifanaraka tamin'ny tsi-finoan'ireo tsi-mpino izay nanisy zioga ny tenany niaraka izy ireo. Ary nanao ny fihaiakany izy ireo fa ilay Afo kely izay nanomboka nilatsaka, taona vitsy lasa izay, dia hivoaka amin'ny farany. Fa, oh, tena faly izahay ny amin'ny Kapiteninay lehibe, Davida, izay mitsangana eto afovoanay izao hariva izao, ka mihaika an'ilay fahavalo.

<sup>183</sup> O Tompo Andriamanitra, hivavaka an'ity vavaky ny finoana ity izahay ho an'ny isan'isany sy ny olona tsirairay eto. Aoka izy ireo hahafantatra, amin'ity fotoana ity mihitsy, fa eto Ny Fanatrehanao lehibe, hitety an'ity mpanatrika manontolo ity ka hanasitrana ny olona tsirairay. O Fanahy Masina lehibe, enga anie hifaly ny fo tsirairay amin'ity fotoana ity, raha manao batisa azy ireo ao amin'ilay Fanatrehana lehibe an'ny Fanahy Masina Izy.

<sup>184</sup> Oh, Satana, resy ianao. Mivoaha amin'ity toerana ity ary mialà amin'ny olona. Amin'ny Anaran'i Jesosy Kristy, enga anie ho sitrana ny olona tsirairay.

<sup>185</sup> O Andriamanitra Mandrakizay sy finaritra, ekeo ireo zavatra ireo amin'ny alàlan'ny Anaran'i Jesosy Kristy.

<sup>186</sup> Ny olona rehetra izay mino fa sitrana ianareo, mitsangàna ka omeo an'Andriamanitra ny dera. Misaoitra anareo, ary ny Tompo Andriamanitra hitahy anareo! Rahalahy Neville. 

57-1229 Ny Finoana  
Branham Tabernacle  
Jeffersonville, Indiana U.S.A.

MALAGASY

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-  
printy ao an-trano ho an'ny fampiasana manokana na ho zaraina, tsy  
misy sarany, ho fitaovana iray hanaparitahana ny Filazantsaran'i Jesosy  
Kristy. Ity boky ity dia tsy azo amidy, na adika indray amin'ny refy  
lehibe, na alefa amin'ny siteweb iray, na tehirizina amin'ny fomba  
nisy nanesorana, na adika amin'ny fiteny hafa, na ampiasaina ho  
fangataham-bola raha tsy misy alàlana voasoratra mazava avy amin'ny  
Voice Of God Recordings®.

Ho an'ny fanazavana fanampiny na ho an'ny fitaovana hafa efa azo  
raisina, dia iangaviana hifandray amin'ny:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)